



瑶華集卷十六

風流子 三十一首

擊梧桐 一首

八寶粧 一首

疎影 十五首

慢卷紉 二首

御帶垂金縷 一首

鬪嬋娟 一首

霜葉飛 一首

過秦樓 五首

高山流水 一首

五綵結同心 二首

江南春 三首

女冠子 竹山體一首

小梅花 二首

惜餘春慢 四首

蘇武慢 二首

洞庭春色 一首



風流子

送春同芝麓

李雯

誰教春去也。人間恨何處問斜陽。見花褪殘紅。鶯捎濃
綠。思量往事塵海茫茫。芳心謝錦梭。停舊織。麝月懶新
粧。杜宇數聲尚餘驚夢。碧欄三尺空倚愁腸。東君拋
人易向頭處。猶是昔日池塘。留下長楊紫陌。付與誰行。
想折柳聲中。吹來不盡落花影。裏舞去還香。難把一樽
輕送多少暄涼。

寫懷

千山梅雨歇。翠微裏冉冉碧雲歸。想煮蘭庭戶。吳天平

煖罷蠶時候。越嶺低迷。憑闌久。朱霞明粉壁。黃鳥度新
枝。水散荷珠暗成別淚。箋餘蕉葉寫起相思。登樓攜
手處。常牽惹。最是珍重聲遲。爲數幾回明月。應問歸期。
念湘竹簾中。半殘梔子。海棠堦下。細點螢兒。好箇惱人
天氣。獨自難支。

掖門感舊

吳偉業

咸陽三月火。新宮起。傍鎖舊莓墻。見殘甃廢磚。何王遺
構。荒薺衰草。一片斜陽。記當日文華開講。幄寶地正焚
香。左相按班。百官陪從。執經橫卷。奏對明光。至尊微
含笑。尚書問大義。共退東廂。忽命紫貂重召。天語琅琅。

賜龍團月片甘瓜脆李從容燕笑拜謝君王十八年來
如夢萬事淒涼。

爲鹿城李三一壽

青山當戶牖秋光霽明月倒壺觴。美金粟道人草堂松
竹青蓮居士藜閣文章。傳家久朱門開累葉。画省付諸
郎。綠酒黃花淵明高臥紅顏白髮樊素新粧。登高頻
回首江南舊恨在鐵笛滄浪。十載故園兵火三徑都荒
待山園再葺讀書萬卷湖田晚熟縱博千場。老子婆娑
不淺儘意疎狂。

長安寒食

梁清標

宵來風槭槭清明候。做出鳳城春。正綺陌喧闐塵沙撲
面羽書襍選簿領勞人。關情處故園調杏酪上塚碾香
輪榆筴影邊酒旗何處山桃村裏金勒如雲。蹉跎時
序改流鶯喚喚幾度悵望斜曛。空聽錫簫賣罷新燕聲頻
看秋千院落雙垂綵索梨花雨夜深閉重門。曾否麗人
水畔身啄紅巾。

虎丘

宋徵璧

悠悠多寄託。憑眺處高樹亂啼鶯。見錦纜樓船橋橫雙
寺綠楊芳草塔映孤城。看不足小山常婉轉淺水任分
明。選勝徵歌鬪茶賭酒碧紗紅燭象板銀箏。江南佳

麗地干人石。總教閱盡陰晴。試問當年吳越。何處橫行。
况館娃宮裏。香塵已沒。真娘墓側。苔草還生。只有西江
夜月。曾照多情。

秋懷

萬錦雯

長天望不極。秋容淡。羈客渺何依。念牢落一身愁來影。
共伶仃諸弟別後音稀。銷魂處。葉兼疎。雨下鴻帶斷雲
飛。新夢砧回。獨堆殘卷。矮窗燈映。自掩重扉。年華容
易去。浮生事無奈。日與心違。兩鬢星星欲點。猶未知歸。
想菰米波漂。誰尋鷗社。釣絲煙捲。莫掃漁磯。辜負西溪
好景。益悔今非。

夜飲

清明已過了。餘寒淺。夜色淨娟娟。正焰蠟高燒。紅分燕
尾。繡簾低揭。香煖龍涎。闌干外。嬌鶯分樹坐。倦蝶抱花
眠。印石痕斑。苔紋浸月。舞堤影轉。柳帶拖煙。聞人如
吾少。堪嘯傲。何況勝景今偏。念此光陰過隙。莫負晴天。
任玉笛教吹。梅花盡落。金樽不放。竹葉傾全。只怕來朝
風雨。催散良緣。

伎歌

陸求可

花前新酒綠。誰相勸。賴有莫愁聲。正刻羽引商。移宮流
徵。當筵一曲。宛轉分明。歌喉逞。蕭蕭林木。落黯黯碧雲

疑衣着縷金扇。低寶月韓娥未去。梁上塵驚。回風纔唱罷。看欄畔。渾似秋後淒清。誰念天涯流落。淚溼衫青。想花朝月夕。等閒度過。陽阿白雪。無限關情。引得周郎一顧。喚作春鶯。

寄憶

秦松齡

幾年成夢想。無端處喜得見。嬌嬈自玳瑁筵。開乍逢一笑。芙蓉帳煖。共話連宵。當此際。藏鈎移玉腕。按曲和鸞簫。画燭珠簾未醒。宿酒淡煙疎雨。忍過楓橋。風塵搖落客歸期。迫已逐雲散。香飄無數。別離情事。何處能消。只錦帶新歡難忘。昨日梅花密約。記取今朝。此後椒盤春酒。索向無聊。

村居

黃永

梅花村墅裏。三間屋。一帶短籬遮。見杜老堂成。滿階馴雀。蔣卿徑啓。幾樹藏鴉。更兼有長松。堪抱膝。高柳好停車。有客來時。三杯桑落。無人到處。一徑桐花。道先生隱者。好裁成。芟服買就漁艇。更覺神清秋水。骨秀煙霞。任世上浮沉風飄耳畔。人間得失絮落天涯。笑指華胥古道。這是儂家。

又

吾將從此逝。吾何意。吾亦愛吾廬。看眼底浮雲。花從開

謝階前生意草不芟除。閑尋去古苔侵石罅流水灌山
厨。盍歸來乎。一琴一鶴薄言觀者非我非魚。何人長
握手有西鄰。楚叟解賦能書。便喜相逢二老。一樣清臞。
且白墮三杯胸中浩浩黑甜一枕世外蘧蘧。人笑高陽
去後又兩狂且。

醉中作

尤侗

吾生祈一夢將進酒結客少年場。願貴比五官芙蓉車
蓋豔同三婦玳瑁釵梁。封侯事建牙刑白馬挽箭射黃
麇。鏡吹歸來角巾辭去拍肩。秦華濯足滄浪。醒來都
不是看衣鶉馬狗兩鬢秋霜。贏得一官孤竹三徑柴桑
只宋玉招魂偶逢神女相如草賦曾見君王。且向尊前
醉也長短歌行。

代聞元亮悼亾

沈謙

風流難再得尋聚窟何處問仙洲。想別後寄情曾經剪
髮病中求訣不肯回頭。豈知道黃泉聲寂寂碧落恨悠
悠。桂殿初犇搗殘兔曰桃源再訪賺殺魚舟。繁華銷
磨盡二年裏薄倖一覺揚州。最苦難求毒石未得神樓
似亂攀荷藕千絲不斷對燒蠟燭兩淚難休。反羨伊家
解脫免却閒愁。

留仙有詞和韻

嚴繩孫

荀郎多病後魂消盡。依約見傾城。正梅粉乍舒舊家門。
巷柳絲斜。鞞別樣才情。更幾度玉釵寒撥火。銀甲夜調
箏。斗帳珠瑩檀心。偷展鳳燈香。炮花睡難成。無端歸
去也。人何處。夢裏應喚卿卿。空記鵝兒酒。煖杏子衫清。
怕油壁西陵。雨僂風憇。美人南國。綠怨紅驚。爲待蘭舟
催發。重聽流鶯。

初夏汎舟

宗觀

春光都送盡。廉纖雨一霎。又梅黃對瀟灑。遺民殘棋游
戲。風流少俊。賦筆清揚。須行樂。黛圍紅繡。亂鏡漾綠萍
長。歌板船開聲。飄紈扇。珠簾人隔影。入垂楊。昔年真
如夢。明月家鄉。

懷古四首

曹貞吉

三山圍鐵甕。孫郎後。今古幾英雄。憶北府參軍。寄奴王
者。金戈鐵馬。橫據江東。凌歊上。歌風追漢帝。置酒宴群
公。一代偉人。龍行虎步。十年征戰。洛下關中。祇今憑
弔處。佛狸祠下。路煙樹冥濛。爲念尋常巷陌。社鼓連空。
算碣磔戰地。幾多白骨。金焦名勝。兩點青峰。惟見驚濤
滿眼。東去匆匆。

京

又

大江流日夜。寒潮急寂寞。打空城。想玉樹曲終。梁塵爭落。金釵垂後。斜月低橫。如今但荒臺存瓦礫。廢殿走鼯。鼯。桃葉渡頭。半篙春水。莫愁湖畔。一片秋聲。南唐成往事。攝山看斷碣。夢裏三生。千載澄心堂紙。撥鐙書名。歎衣冠王謝。高低禾黍。文章庾鮑。冷落沙汀。依舊龍蟠虎踞。渺渺峰青。金陵

又

胥門懸落日。東風軟人立。小斜廊。是越女靚粧。舞停歌罷。捧心無賴。展轉迴腸。難重問錢江煙水。白橋李陣雲。

黃歌吹海中。荒哉旦暮溫。柔鄉裏老矣君王。勾章烽火。悉見姑蘇臺畔。長劍如霜。誰念鴟已相國。自斷危檣。早輕裝一舸。浮家遠去。功成身退。磊落行藏。回首故宮花草。難遣茫茫。姑蘇

又

英雄開草昧。山衣錦萬弩。射潮低。彼吳越一王。高車駟馬。威靈五季。玉册金泥。驚回首西陵煙月。淡葛嶺斷霞飛。三竺六橋。老髯曾醉斜風。細雨和靖頻題。六飛南幸後。西湖比西子。綠坼紅欹。誰憶金明池水。禾黍離離。想德壽重華。兩宮遊處。綺羅絃管。繚繞蘇隄。千載江山。

如故還使人悲。

錢唐

和留仙

秦保寅

當年人隱約。桃花路青舄。信悠悠。想敲斷玉釵。丁香緘恨。渡來銀漢。豆蔻含愁。如今見華燈催按曲。斜日看梳頭。着意矜持。低鬟輕笑。自然風度。無語凝眸。秦娘臯橋路歸時。應不恣。曲巷重樓。更記酒闌調瑟。燭暗揆鈎。怕橫塘夢斷。錦書難托。山香舞罷。翠袖誰收。待得梅花如雪。一半春休。

題周文夏画册

吳本嵩

舊游彈指過。纔披卷彷彿見伊人。有萬頃澄波。千章喬木。幾重碧巘。一片閑雲。都併做尊鱸歸夢。短山水臥遊頻。藜閣宵殘。禁蓮飄麝。蘭臺晝靜。院栢搖春。閒情供渲染。長康後。應是摩詰前身。想見淋漓盡致。盤礴天真。憶爲時幾何。風流頓盡。其人斯在。翰墨還新。多少西州醉眼。淚浣香芸。

無題

趙鑰

伊人花片似。纔黏水。便自肯隨行。記野草征車。金卮共倒。江樓夜雨。画舸同聽。常縈恨。文書疎。欸曲藥餌。減娉婷。湖上風催黃鸝啼。客揚州。夢覺翠被呼卿。春來頻佇盼。經秋過。又見敗葉飄零。辜負長箋。鄭重軟語丁寧。

自巫峽客堯人間無雨銀河悵望天上疑星欲問姻緣
離合請話三生。

再觀查伊璜女樂

汪懋麟

急聞仙樂至霓裳曲飛下碧雲霄。記楊柳畫樓曾邀粉
黛芙蓉水榭再貯妖嬈。今何幸徐娘身未老謝傅興偏
饒。未免有情紅兒雪面誰能遣此靜婉纖腰。時逢殘
雪後金尊倒梅花清夜迢迢擊碎文犀簪子庭葉齊飄。
且莫惜千金燈燒夜夜只愁一曲雲散朝朝願借東風
畱住過了元宵。

和天篆畱別韻

曹亮武

底須長太息男兒志原自在天涯算楚尾吳頭未爲作
客淮南江北不當辭家。還記取兼天排遠浪撲岸湧寒
沙。鐵甕城邊化爲蝴蝶隋堤柳畔撇却桑麻。一江春
水漲君又去宛似天上浮槎。切莫臨風相憶對月興嗟
料燕羽翩翩也過春社鶯啼啞啞也啄飛花。只怕暮雲
多處幾陣歸鴉。天篆客廣陵時曾寄我京口記夢并夢中所作詞

遊惠山秦園

二泉亭最好分流處日夜洗雲根。况翠疊青山入簾滴
滴雲移春水映樹鱗鱗。還堪美酒旗無數颺身語不時
聞。此日園丁休嫌野老隔年梅蕊應認王孫。從來繁

華地重留戀。倍覺香霧氤氳。一帶朱欄拂柳。画檻縈人。
被金尊促起。數聲檀板。鈿車送到。幾隊羅裙。且自牽船。
竟去。莫待銷魂。

月夜感憶

陳維崧

冰蟾飛皓彩。今宵月勝似。昨宵圓。有一片角聲。淒清枕
畔。三秋桂子。零亂樽前。人生事。千齡渾似夢。百計且求
仙。鳳舞鸞歌。別來幾日。瓊樓玉宇。歸去何年。流霞須
傾盡。金荷裏。鯨飲併吸。嬋娟。遙憶庾樓。今夕多少英賢。
想月明千里。戰袍不夜。西風萬馬。殺氣臨邊。我控雲中
黃鵠。一笑茫然。

錫山慶雲庵感舊

時未如上
人新遊

衆山排峭壁。西風吼亂葉。打茅庵。記竹外時逢。拈花迦
葉。水邊曾值。洗鉢瞿曇。依稀是。鳥啼幽澗北。僧送石橋
南。萬壑松飈。主裴名理。半牀蘿月。支許清談。重經春
來。地人誰在。祇覺霜信初酣。染就千圍楓榭。一路杉柟。
歎電光石火。佛猶如此。山丘華屋。人則何堪。隱隱前林。
暝翠暗結精藍。

上元和容若韻

蔣景祁

沉吟元夜句。香塵去。明月逐人來。蘇味喜一曲歌喉暗
隨風度。千場舞袖。巧作雲裁。尋芳路。綵綃鴛隊。合火樹

鳳城開。乍可宵行。日生殘夜。未應春暖。花麗瑤臺。金
吾何會。禁嬉遊。遍誰許。喝道籠街。望裏鈿車羅帕。隱隱
徘徊。只玉兔常圓。清光如畫。銅龍剛徹。曉色先催。惆悵
江南。信杳莫寄寒梅。

讀容若塞上諸詞書後卽用元夜元韻

新詞雞祿塞。鮫綃寫千里。暮雲來。正鞭勒荒城。笳聲吹
斷。煙銷古磧。劍氣橫裁。長征路。江隨鴻影。度嶺向馬頭
開。暗驗刀鏤。陰山風雪。看題錦字。燕月樓臺。盈箱堆
紅豆。旗亭句。早已傳唱銅街。更約小園春好。花底徘徊。
待有酒如澠。銜杯休放。含毫欲下。擊鉢頻催。他日南湖

夜色東閣官梅。

感舊

閨秀 徐 燦

只如昨日事。回頭想。早已十經秋。向洗墨池邊。裝成書
屋。蠻牋象管。別樣風流。殘紅院。幾番春欲去。却爲個人
畱。宿雨低花。輕風側蝶。水晶簾捲。恰好梳頭。西山依
然在。知何意。憑檻怕舉雙眸。便把紅萱釀酒。只勸人愁。
謝前度桃花。休開碧沼。舊時燕子。莫過朱樓。怕殺雙飛
彩翼。悞到瀛洲。

擊梧桐

秋夜爲岳占六悼鶴

陳 枋

立盡亭邊路。魂欲斷。渺渺暮雲平樹。猶記茶煙外。碧苔靜。慣是踏花矩步。御書罷也。低徊舞態。吟煞鮑郎一賦。每到思歸日。便欲借騎上揚州飛去。何日雲間重來。華表再向城頭傳語。聽遍秋光底。風葉響。滴滴空聞珠露。冷落吹笙人在。依稀前夜。夢縞衣軒翥。乍翮何開窗。驚視不見其處。

八寶粧

咏未央宮銅奩

曹貞吉

渭上西風漁牀晚。照鐵網千絲初舉。翡翠迷離光映水。一片苔痕。淒楚。咸陽遺製。花天月地。樓臺蜂黃蝶粉。重重護。細字蟲魚繡斷。依稀金縷。未央拋擲。何年昆吾。村外溼燐。入夜偷聚。慣點綴。鮫宮。看嫵。問飛燕。舊時曾否。思伴侶。銅駝陌上。黃昏聽盡。蕭蕭雨。算流落人間。玉箱也出茂陵去。

疎影

落照用白石韻

錢芳標

歸飛屬玉帶。斷霞幾縷。洲畔尋宿。極望長河。明滅中流。湘娥儼映斑竹。群峰紫翠交凝處。一半隔煙江。南北怕。画樓未放晶簾。賺出影單人獨。似線天涯。趁盡主孫。尙何處。裙草空綠。自古無情。冉冉西馳。不管山丘。華屋。

寒水舊路虞淵薄。莫再待北鄰吹曲。暫挽留野寺斜紅。
勝楊郭熙千幅。

芭蕉

朱彝尊

是誰種汝。把綠天一片。簷牙遮住。欲折還連。乍捲還抽。
有得愁心如許。秋來慣與。羈人伴。惹多少冷風淒雨。更
那堪一點疎燈。繞砌暗蟲交訴。待把蛛絲拭却。試今
朝畱與箇人題句。小院誰來。依舊黃昏。明月暫飛還去。
羅衾夢斷。三更後。又一葉一聲低語。拚今番盡剪秋陰。
該種櫻桃花樹。

重葺田秋榭

西風馬首。有哀蟬幾樹。高下聲驟。村外煙消。水際沙寒。
斜陽似戀亭堠。絲絲縷縷。紛堪數。更彷彿葉初開候。待
月中疎影東西。思共故人攜手。搖落江潭。萬里繫船。
酒醒夜長。笛京口。讀曲歌殘。曉露翻鴉。蕭瑟白門非舊。
赤欄橋外。流雲冷。遮不住短墻疎牖。話六朝遺事。淒涼
張緒。近來消瘦。

前題和韻

李良年

旗亭隴首。正新霜乍點。斜日風驟。一片秋聲。幾樹蕭疎。
驚心十里津堠。行人欲折。還教住。爲記得別離時候。灑
涓城朝雨。如煙曾向。西橋分手。何處無情。玉笛忍教

一夜裏吹墮江口。繫馬無人認取寒枝。惟有晚鴉依舊。
相思最是鴛鴦渡。應漸冷碧紗窗牖。縱待得來歲春還。
只恐那人腰瘦。

黃梅

歲闌記否。著淺檀宮樣。初染庭樹。嬾趁群芳。雪後春前。
年年點綴寒圃。橫斜月淡。蜂黃影長。只傷短垣低護。倚
茜裙欲撚苔枝。凍鳥一雙飛去。依約荷圓。磬小剪來。
越鏡裏先映。睂嫵。蓓蕾勻拈。細絞銀絲。釵冷玉魚偏處。
還愁羯鼓催無力。沸蟹眼。膽瓶新注。正爇香夢。惹江南。
忘了隴頭人苦。

前題

黃庭

一枝雪壓。是瓊妃欲嫁。倩伊催臈。誰識檀奴先占芳名。
悄共歲寒情洽。未須青帝施顏色。微暈處。月黃曾匝。惟
蜂衙釀就。花鬚灑向枝頭。凝蠟。猶憶晶簾犀押。曉寒
手折取。香透粧合。緼額纔完。扶上釵梁。小鬪金蟲斜插。
鬱金堂後。音書斷。伴瘦影。冷眠孤榻。怕花前。往日情懷。
都爲倦遊消乏。

蛛網

曹貞吉

柔絲幾縷。學柔腸亂結。簷牙低處。雨溼還明。一任風吹。
時有晴塵凝聚。多情慣。惱閑蜂蝶。更惹徧落英飛絮。憶

那回拂面牽衣也解暫留人住。一一疎籬都冒看晚
紅屋角文添如許。記得前宵鈿盒齊開輸與癡騃兒女。
恠他不碍愁城路。只隔斷夢來魂去。把花枝欲拭還休。
獨自凭闌情緒。

味金絲荷葉

絲縈別浦似嫩荷出水青青如許。弱蒂牽風乍密還疎。
不碍蜻蜓來路。何人種向西窗外添幾點黃昏微雨。若
遣伴翠蓋紅衣玉井更無尋處。誰把嘉名錫汝。傍蕩
塘蓼岸歌罷金縷。淺碧初勻手弄柔波淡沲難成珠露。
溪秋怕作闌珊別共三十六陂淒楚。且逐他荇葉田田
一曲風潭清暑。

題朱十蕃錦集

龔翔麟

尊前調別把篋中舊句翻做新闕。換羽移宮短拍么絃。
恰配酒籌歌節。懸鉞垂露香牋劈付扇底春風桃葉。是
誰能紉百家衣只許半山人說。長水山年卜宅竹梧
小徑裏鷗舫幽絕。落拓江湖投老心情一任免華圓缺。
無端啓事來青鎖惹雙鬢翻添霜雪。問甚時重荷煙鋤
吟過月波樓月。

柳莊

銷夏
之一

陳枋

前溪翠窈早通波渡口魚步遮了。密密疎疎整整斜斜

柴門碧色娟好。林禽亭午飛無迹。只斷續亂蟬喧噪。儘
綠陰分影東西。趁轉半村殘照。乍又雲拖雨過。千絲
蘸水處。風定猶嫋。散髮披襟閒話。鄰翁多凭赤闌橋小。
王瓜喚賣圓沙外。有隔浦。趁虛船到。漸濯枝新月紛紛
低拂晚涼多少。

帆影

李符

雙橈且在。趁風旌五兩。挂席吹去。側浸紋波。一片橫斜。
不礙招來鷗鷺。忽遮紅日。江樓暗。只認是涼雲飛度。待
翠蛾簾底。憑看已過。幾重煙浦。搖漾東西不定。乍眠
碧草上。旋入高樹。荻渚楓灣。宛轉隨人。消盡斜陽今古。
有時淡月依稀見。總添得客愁淒楚。夢醒來。雨惡潮渾。
倚榜又無尋處。

芭蕉

成德

湘簾捲處。甚離披翠影。繞簷遮住。小立吹裙。曾伴春慵
掩映。繡牀金縷。芳心一束。渾難展。清淚裏。隔年愁聚。到
夜深。細聽空階。雨滴夢回無據。正是秋來寂寞。偏聲
聲點點。助人離緒。纈被寒生。宿酒全消。攪碎亂蛩雙杵。
西風落盡梧桐葉。還賸得綠陰如許。想玉人。和露折來
曾寫斷腸詩句。

黃梅花

陸棻

天然正色續九秋月桂冷豔珠滴綠萼丹跌欲占春先
枝頭早漏消息緘來碧盎標題貴見蓓蕾剖脾含的問
壽陽學改新粧點就鴉黃宮額偏憶亭亭兩樹矮窗
折數蕊黏住蟬翼粉壁微曛銜上蜂鬚驗取香檀成蜜
而今伴影長安夜憔悴煞縷衣金織剪魚紋融蠟調脂
巧樣賽他生摘

前題

蔣景祁

未應破臘早一株檀暈和雪低壓舞月摩娑照水欹斜
好夢昏黃巫峽點將鴉額無淺淺正彷彿漢宮粧法盼
晴和瓦雀飛來啄損膩香層踏小閣風簾乍闔剩斜
陽檻外獨自蕭颯剪取花枝相對幽窗香伴博山金鴨
羅浮半枕游仙路銷蠟炬夜寒吟榻只隴頭欲寄迢迢
好與一丸封押

前題

橫斜倚榻正裹將冰雪初破萌甲蓓蕾珠成渲染衣勻
磬小荷圓都恰分明未蘸山房蜜少花裏遊蜂飛匝想
淡黃衫子呵寒和月闌干一搭做冷添寒時霎趁鵝
兒酒暖閒賭樽榼金屋香微椒壁燈昏瓣瓣暗消殘蠟
杏花牋上推敲句甚比擬銅筐犀合倩崔吳研取鉛黃
寫入齊統素箋

慢卷紉

飲斜街舊宅

錢芳標

雙柯小院三楹淨。凡六載棲遲處。記秋葉春花無限幽
懷。都教付與銀牋芳醕。割肉歸來。拔釵沽去。投轄聯新
句。在燭跋銅盤。纈眼情騰。窗影驚曙。水萍風絮。重來
舊事皆無據。縱生意依然未盡。攀條悽愴也似仲文枯
樹。燕市悲歌。狗屠列坐。賸有當年侶。只無奈樽前聽罷
烏樓淚泣如雨。

賦得秦女卷衣

陳維崧

長城西去。曉關一望萬古消魂地。悵漢苑秦宮隴樹沈
雲。棧連梁益。閣通燕魏。繡嶺渾河灞。陵紅樹。烏鼠山如
髻。有六郡良家。四姓小侯。盡隸都尉。金鴻嘹唳。蕭關
忽憶寒衣事。刀尺擬裁量。文怕帶圍。難記砧響秋宵逾
霽。搗瘦銀蟾。敲殘木葉。疊在紅箱裏。倘寄到軍前。驗取
羸樓翠綃封淚。

御帶垂金縷

飲嚴顥亭臯園聽莊蝶庵彈琴

丁澎

小山攢翠清波遶。負郭都栽桑柘。漁簑載酒見竹籬燈
火。居然村舍。更何論尙書綠野。捉鼻東山猶未免。笑吾
家早結耆英社。但觴味共清夜。客抱琴來。深樹裏暮

雀爭喧煙景如畫。水絃乍拂似楚峽猿吟。秋風葉下。正
小雨竹窗清話。傳語諸君須少住。聽擣衣一曲多瀟灑。
鼓琴者莊生也。

鬪嬋娟

山塘見龍舟卽事

錢芳標

女墳湖畔凭舷望。林腰斜照紅淡。笛牀香屨久闌珊。尙
餅師山店。映幾簇安榴血染。誇他蟬扇龍鬚篔。僕本消
魂者。懶更向橋西點。曾倚簾檻。時節又近端陽碧菰。
煙裏画橈旗繖。光閃水犀零落。錦帆荒酒醉鴟夷劍。莫
漫聽梧宮唱賺。臨風且繫鷗汀纜。瞥擡眼銀墻罅。猶弄
垂楊小樓未掩。

霜葉飛

黃芽菜

沈皞日

曉鋤煙際。苔泥淺籬根。深種沙觜。層層分葉細。抽心勻
注。陂塘水便一似菱鮮藕脆。霜天生摘斜町裏。看凍抱
筠籠翠袖。護纖纖不用井華重洗。炊火檢點山厨。并
刀初試也。勝蓴滑風味。調辛寸煮。青薺貯香沁牙齦美。
佐冷淡晶盤久矣。春三秋九園丁事。挽小車聲聲喚曲
巷層門。半年燕市。

過秦樓

登春申墓

曹鑑徵

浪湧長江潮迴申浦。一片君山荒土。寒煙寂寞蔓草淒涼。落葉飄零無主。曾記公子華堂珠履三千。美人歌舞。歎朱英去矣。宮門兵起。壯心消阻。空剩得古樹蕭森。殘碑淪落。往事那堪。迴顧黃鶯報曉。杜宇啼春。都是怨風愁雨。只道鐘簷暗移。智盡身亾。遺羞千古。看延陵墓畔。還有椒漿桂醕。

松陵城外經疎香閣故址

陳維崧

鳥啄雙環蝶黏交網。此是阿誰門第。墊巾繞柱。背手循廊。直恁冷清清地。想爲草沒空園。總到春歸也無人至。

只櫻桃一樹。有時和雨暗垂紅淚。料昔日人在小樓窗兒。簾子定比今番不似。望殘屋角。立盡街心。何處玉釵聲膩。惟有門前遠山。還學當年。習峰空翠。憶香詞尙在。吟向東風斜倚。閣係才媛葉瓊章讀書處

虎丘

史惟圓

短簿祠荒真娘墓冷。石上但聞歌吹。哀絲苦竹。巧囀清謳。入耳吳音纖脆。今有橫槊健兒。秋鶻霜鷹。粗豪意氣。唱黃塵白草。如啼似訴。許多情事。逞妙手緊撥輕彈。鴟絃雁柱。恰有吳兒風味。鏡簫夜月。笳鼓秋風。總是玉關人淚。聽罷無繆。只愁夢到邊頭。斷腸如碎。囑銀蟾且

駐我倚孤篷未睡。

寒月

陳枋

珠斗微芒。銀河滅迹。穆穆金波傾瀉。釀露調鉛。熬霜出素。烘染參差鴛瓦。縱有玉案橫堦。一片空明。虛無人話。只鸚哥不睡。白泱泱地。時窺簾罅。記昔日廿四橋邊。十三樓上。指冷洞簫吹罷。一柁飄篷半規。照我幾處漢時關下。多少淒其。伴他籠雪。長途收燈。獨夜。便今宵載酒。浸影匡牀也怕。

感舊

釋宏倫

寂寞琴書蕭條僧舍。正是晝長人倦。桐陰小徑。水墨長

廊。一日幾回行遍。休把往事思量。剗地愁來。重門難掩。自賓鴻一去。關河千里。夢遙人遠。微記得紅藕塘中。紫薇花下。立罷暑微涼淺。鳳團聲細。鴨裹煙消。容我簾紋先展。斜靠紅欄小亭。茉莉香濃。倩題紈扇。嘆雙魚信杳。忍見塵生筆硯。

高山流水

卽席別吳門諸子返梁溪

陳維崧

西風落拓闔閭城。有留儂白恰紅箏。細雨落簷花。吳王宮外雞鳴。屏當好嫩。榴鮮橙。既如玉乳花。雪浪齊傾。三兩狂夫。趁箏琶未歇。促拍調俱成。聞評。相逢作達耳。

人世事落絮浮萍。楓橋下幾船夜火一派寒更。奈酒醒人又趨離程。早潮平報道山泉待我涼夢先縈。儘殘年漁簑茶竈寄浮生。

五綵結同心

和其年惠山蔣氏酒樓感舊

父丹生

惠山東畔黃公壚側何人爛醉欹眠。惟有重來客依稀聽山頭雨過飛泉。元龍百尺干霄氣空淒斷落雁寒蟬。是誰遣風流杜牧幽情追記難全。而今揚州花謝祇月明千里枉托冰絃。夢破櫻桃淚痕溼透恰比驛路啼鶉鄰家唱出離筵曲數不盡遠道綿綿風狂煞半簾霜

曉琵琶亭下江船。

前題

陳維崧

惠山山下誰氏高樓記曾借我酣眠。夜半喧山雨龍峰頂飛挂百幅簾泉。當時尚有玲瓏在。憑闌唱落葉哀蟬。可惜是聲聲紅豆憶來大半難全。如今重經樓下。只水流幽咽。鬢髯鳴絃彈指匆匆。舊時燕子換做萬里啼鶉。當壚莫喚樓前客。應恠我淚裊紅綿。惆悵煞一天明月滿汀漁火商船。

江南春

本意和倪雲林先生

薛信辰

絳口櫻桃玉版筍。百舌啼殘深院靜。画船簫鼓水中煙。
綠柳鞦韆牆外影。十分春色三分冷。玉輪正照梧桐井。
花前步障葛綸巾。香風十里斷紅塵。蝶舞忙鶯歌急。
麥苗細雨濛濛溼。六朝脂粉悲何及。草邊千古燐猶碧。
笙簧臺館仍都邑。惟見青山萬仞立。韶光駒隙身浮萍。
舟車川陸方營營。

前題

陳維崧

風光三月連櫻筍。美人躊躇白日靜。小屏空翠颭東風。
不見其餘見衫影。無端料峭春闈冷。忽憶青驄別鄉井。
長將妾淚颺紅巾。願作征夫車畔塵。人歸遲春去急。

雨絲滿院流光溼。錦書道遠嗟何及。坐守吳山一春碧。
何日功成還馬邑。雙倚枇杷花樹立。夕陽飛絮化爲萍。
攬之不得徒營營。

穀日入舊宅

時尙爲里猶祠神其中

侯 汭

新愁舊愁如剝筍。春雨春風白日靜。王謝雕梁事已非。
乳燕鳴鳩爭弄影。靈旗無光宮苔冷。別有香雲躋藻井。
龍蛇模糊淚染巾。繡題猶挂開元塵。記三江傳火急。
淋鈴古堞鐵衣溼。池塘攜手黃泉及。雙瞳晶晶波銜碧。
有鳥胡不歸城邑。滿堂猙獰山鬼立。吁嗟結子化爲萍。
莫話花飛細柳營。

女冠子

燈市用竹山韻

李符

錫簫吹也。秣陵風景難畫。銀花相望。一城如畫。閒却秦
淮冷。九飛射。護春簾。早挂。看嬾暗垂羅袖。紫姑迎夜。上
元時。多少舊曲。畱與踏歌人耍。細腰鼓。學花奴打。散
落梅千點。一任東風借。燭殘堆地。問翠館。幾處倚香題
帕。短牆青粉。六院在時佳麗。祇餘情話。怕歡游。生感
綵珠休照舊。勾欄下。

小梅花

有感

陳玉基

將進酒。爲汝壽。不如意事常八九。黃金臺。生草萊。千秋
萬歲公。等安在哉。去年人到今年老。富貴應須置身蚤。
大長秋。關內侯。但看東方夫婿居上頭。游閒子。莫愁
里。人生行樂耳。恨重重。長樂鐘。不見五陵無樹起。秋風
馬中赤兔。人中布。滿眼輕薄何足數。脫紅巾。與誰倫。且
作欽欽歷落可笑人。

有感括古語

董元愷

上汝酒。令汝壽。萬事無如杯在手。昆明灰。阿濫堆。黃河
之水朝暮不復回。半生能着幾兩屐。百壺埋我陶家側。
適莽蒼。齊彭殤。誰更仰眠牀上看屋梁。可憐子。寒如

此仕宦車生耳。衛子夫。馮子都。二十左右便作執金吾。
季廉聞一當知幾。奴價今年應倍婢。歌鳴鳴。攘臂呼君。
獨不見朝趨市者乎。

惜餘春慢

寄興

曹溶

倚玉緣多。留仙命薄。酒與驪歌相應。荷欹翠榜。鷺宿紅
船。歸興風波不定。還憶綉帳低垂。半捻初成。慊慊愁病。
要東君着意。催溫送冷。試他情性。大抵是生長豪華。
水肌柔舌。未卜明珠可聘。停鉛試黛。閣雨曉星。剛說才
人無行。幾度掌內擎來。襯軟勾鬆。二分猶剩。奈從今斷
雁荒雞。何處鶯嬌蝶倖。

吳城雨中

梁清標

樹隱千章。風輕五兩。堤畔人家容與。柴門照水。沙岸連
檣。一片吳城煙雨。遙望曉捲疎簾。小婦凝粧。映窗看嫵。
歎天涯客子。三千餘里。雁沉汀浦。空聞說白苧江東。
錦帆南國。顛倒醉鄉歌舞。寒林半落。霜葉猶紅。愁見鳧
鷗孤嶼。更羨高風此邦。孺子荒亭。雲卿黃土。問江山萬
古茫茫。今夜夢回何處。

王補臣北上不果和韻慰之

蔣平階

半尺枯髯。千絲壯髮。常向夫人七首。黃金臺廢。黑水碑

沉誰是東南一候。自笑月日無憑。陳孺何肥。休文何瘦。
且從君閒看浴鵝池上暮雲歸岫。爲甚事馬蹴河水
劍磨燕月。忍把初懷頓負。吾衰雖甚。仙訣猶存。呼爾同
騎茅狗。况有囊中素書說。霸論王洵。陳洗舊。莫爭他文
學鴻都小。覷留賓贊母。

上巳感懷同和叔用宋詞韻

陳枋

嘆息何爲睡眠亦得庭掩碧萋萋草。記省年辰尋常巷
陌燕外遊絲侵曉。那不一觴一味皂莢橋低。天桃門小。
數百花潭底羅裙珠玑。今朝多少。知念否四載飄篷
三番躡柳。獨自天涯煩惱。麗人行處冷節將過。早又落
梅風掃。便買征帆竟歸放。溜江南好春也老。奈了蘭在
手。騰騰情思循廊干繞。

蘇武慢

述懷

鄒祇謨

九點齊州兩九明鏡。南北東西萬里。吹簫吳市。賣藥咸
陽。有箇英雄在裏。三千粉黛。百萬樗蒲。笑殺庸庸餘子。
問書生肯向商山謾學餐芝黃綺。便教他躍馬中原。
揮毫內殿。爭羨風流名士。奴衣火浣。婢捧香囊。上客橫
拖珠履。肘後黃金腰間白玉。消得千年悲喜。到歸來細
數繁華。不過夢中而已。

雪夜宿穎聞上人精舍聽易人吳子操雁落平沙有感

湯思孝

簷瓦霜華蒲團佛火。一夜清光漾滿。飄梅送韻繞夢增愁。何處離鴻天半。沙磧雲深衡陽煙渺。譜盡關山哀怨。添蕭瑟。變徵聲悲。疑促柯亭絃斷。轉自忖老去無家。稻梁謀晚。真似驚棲蘆雁。紙櫺空閉。鐵被難溫。冷落冰心一片。除是禪那頓解。雪點麗衣。琴彈迦院。儘消磨起舞盤跚。莫問祖生雄劍。

洞庭春色

歸舟

梁清標

萬里河梁五羊歸。權夾路春風。看荔枝洲畔。沉香浦外。簾開樓閣。帆動艤艫。載得珠江花鳥去。更千步香熏兩袖濃。斜陽岸。正袍侵草綠。衣染鵝紅。簾藏羅浮舊繭。早辦取舞蝶紗籠。問踏歌蠻樂。穿花游女。尋芳何地。拾翠誰從。拋却南天煙月。暖喜北望長安紫氣重。驪歌裏。聽蘭橈笳鼓。驚起鼉宮。

瑶華集卷十七

沁園春 八十九首

丹鳳吟 一首

八歸 二首

宣清 一首

沁園春

贈柳敬亭

龔鼎孳

驃騎將軍異姓諸侯功名壯哉。乍南樓傳箭大航風。雀
 中流搖櫓溢浦蒿萊。片語回嗔千金逃責。遮客長刀玩
 弄來。堪憐處有恩門一涕青史難埋。偶然座上嘲諷。
 博黃絹新詞七步才。似籌兵北府碧油晨啓。把棊東閣
 展齒宵陪。前半為左寧南此記 春水正生吾當速去老
范文貞何文端公事

子遨遊頗見哀。相攜手儘山川。六代簫鼓千杯。

題其年烏絲詞

彼美何其繡口檀心。婉變清揚。惟鬚髯如戟。偏成娥媚。文章似海。轉益蒼茫。玳瑁爲梁。珊瑚作架。十五城償價未昂。朱絃發聽短歌日短。長恨情長。無端雪涕歡場。儘潦倒荒迷。事不妨。勝流黃思婦。鴛鴦機。組織從軍。蕩子馬稍騰翔。有託而逝。是鄉可老。粉黛英雄。總斷腸。君試問有癡人。袞袞誰是羚羊。

又

髯且毋歸。縱飲新豐。歌呼拍張。記東都門第。賜書猶在。西州姓氏。複壁仍藏。萬事滄桑。五陵花月。闌入誰家。俠少場。相憐處。是君袍未錦。我髻先霜。秋城鼓角。悲涼。暫握手他鄉。勝故鄉。况竹林賓客。雲霞接軫。平原伯仲。宛洛寒裳。煖玉燕姬。酒錢夜數。縮髻風能障。綠楊持此。闕當清平。絲管爛醉沉香。

又

公勿渡河。濁浪滔滔。魚龍奮揚。乍城頭吹角。秋陰蕭瑟。橋邊問渡。煙柳冥茫。珠樹三枝。銀釭一穗。醉裏鄉心低。復昂。憑夜話。較青山紫閣。何計爲長。偶然遊戲。逢場有惡客。衝泥興也妨。美人如初日。芙蓉掩映。門開今雨。

裙屐迴翔。此客殊佳。吾衰已甚。安用車輪更轉。腸相勸
取。且酒寬稽阮。花駐求羊。

又

文士何如不數紛紛材官蹶張。縱通侯檠戟。烏衣零落
凌雲詞賦。狗監摧藏。清吹西園錦箏。北里驚坐人來一
擅場。還抖擻儘新沙似雪。古月如霜。哀絲譜動伊涼。
快挾彈鳴鞭趙李鄉。更雙鬟捧出春風羌笛。九天飛下
霧縠霓裳。法護僧彌紫囊玉塵大小兒呼孔與楊。高咏
罷似明璣翠羽。掃後猶香。

午朝遇雨

吳偉業

十里紅墻樹色陰濃。銅扉洞開。見觚稜日炫。金銀照耀
朱霞天半。避暑樓臺。忽起奇雲。琉璃萬頃。燕雀呆恩風
動來。西山上有龍迎返。照急雨驚雷。涼生殿閣佳哉。
但瀟灑瑤階絕點埃。聽御河流。水琤琮雜佩黃滋。細柳
翠迫高槐。玉管銀毫。水桃雪藕。枚馬詩成。應制才承恩
久。待歸鞭晚霽。步月天街。

觀潮

八月犇濤千尺。崔巍砉然欲驚。似靈妃顧笑。神魚進舞
馮夷擊鼓。白馬來迎。伍相鴟夷。錢王羽箭。怒氣強於十
萬兵。崢嶸甚訝。雪山中斷。銀漢西傾。孤舟鐵笛風清。

待萬里乘槎問客星。嘆鯨鯢未翦。戈船滿岸。蟾蜍正吐。
歌管傾城。狎浪兒童。橫江士女。笑指漁翁。一葉輕。誰知
道。是觀潮枚叟。論水莊生。

吳興愛山臺禱飲

妍景銷愁。輕衫乘興。扁舟往還。偶使君倒屣。銀床枕簟。
群賢傾蓋。玉珮刀環。下若新醅。前溪妙舞。落日樓臺。雨
後山。離闌外。有名花。婀娜嬌。鳥綿蠻。衰翁天放。疎頑。
况廿載重來。詎等閑。嘆此方巖。虎青絲白馬。當年宋態。
綠鬢紅顏。春色依然。舊游何處。剩得東風。柳一灣。吾堪
老。傍鷗汀。雁渚。石戶松關。

贈柳敬亭

客也何爲。八十之年。天涯放游。正高談拄頰。淳于曼倩。
新知抵掌。劇孟曹丘。楚漢縱橫。陳隋遊戲。舌在荒唐。一
笑收。誰真假。笑儒生。誑世定本春秋。眼中幾許王侯。
記珠履三千。宴画樓。嘆伏波歌舞。淒涼東市。征南士馬。
慟哭西州。只有敬亭。依然此柳。雨打風吹。絮滿頭。關心
處。且追陪。少壯。莫話閒愁。

登令公祠畔望湖亭

梁清標

激灩湖光。黛染遙山。送目方賒。喜紅亭俯立。一天帆影。
白波東去。幾縷殘霞。方寸鄉心。迢迢水驛。愁絕風濤。博

望槎徘徊處。有喧闐列肆。煙火千家。神祠擊鼓鳴笳。
想吳楚當年鬪麗華。任青帘貫酒。醉眠賈舶。牙檣吹角。
驚起棲鴉。橫槩雄才。登樓客况。消盡江頭野草花。雲煙
濶。正臺連蛟窟。人侶魚蝦。

題董舜民蒼梧詞

王熙

咄咄董生是謫仙人。而今再來。恍在客愁多。不堪言恨。
夜郎遷去。誰復憐才。淚點春雲。老吟秋月。風雨蒼梧絕。
可哀。悲歌久。到燕南薊北。無限傷懷。蕭條獨上金臺。
歎駿骨龍媒。安在哉。只一編繁露。爭相延致。千篇蓋曰。
且共遲徊。震澤空濛。龍峰突兀。試展新詞。洞壑開。稱詞
史。任青鞵布韞。赤日黃埃。

送孫無言歸黃山

宋琬

鎮日思歸。臨水登山。云胡不歸。羨君誠高士。堪五湖長。
予其逋客。愧北山移。結徧覽豪厓。聞歌管。十載揚州夢。
已非。家何在。有珠簾雲海。雪竇煙扉。年年車馬。逶迤。
空折盡隋堤柳。幾枝笑。故園三徑。桂蘭頰。老層巒。萬疊。
猿雀長啼。或問先生笑而不答。待滿詞人贈別詩。真歸
矣。任山靈見誚。百罰奚辭。

西山杏林中用會侯韻

施閏章

修禊纔過。小雨輕陰。猿鶴幽期。正草芽初茁。橫鋪翡翠。

水泉新湧碧漾琉璃。紅杏催人。忍教春去。故惹飛英。着
鬢絲。支筇久看雪飄。霞散蝶賦蜂痴。花茵坐臥都宜。
歎好景傷心。半在斯。任日烘雲煖。枝頭猶溼。衣香客醉
展齒嫌遲。回語東風。不禁長嘯。那似桃源鼓棹時。吾衰
矣。笑幾多殘片。無數相思。

題蒼梧詞

張英

別業蒼梧北郭青。溪扁舟往來。羨秋風。尊鱸步兵逸興。
春山書畫學士仙才。笠澤浮家。銅峰着屐。不許詞人賦
七哀。堪酬和有冰清玉映吟賞高懷。花間詠。傷粧臺。
總釵鏡琴香何有哉。更綠鬟拂素錦帆揮灑。紅兒顧曲。
舞袖低徊。鸚鵡歌調水晶簾捲。綺閣風生笑語開。流傳
徧寫綵鸞千本。清絕纖埃。

里居寫懷

曹爾堪

疇昔盛年四五詞家。謔月嘲風。自烽煙瀕洞。故人凋謝。
白楊蕭颯。離黍冥濛。天壤之間。猶存吾輩。坐看川流折
瀉東。全無緒。只矮簷曝背寒。日方中。雪吟花醉能從
披蝨簡。吾師河上公。更彭城三老聲華。是鳳柳州八及
少長爲龍。縱感存亡。還娛健在。行見兒孫小字同。陶暮
景。向蒲汀繫纜。蘼蘼支筇。

又

客老薊門。篳篥城頭。頓起悲風。但曉餐入直。沙飛浩浩。
暮還休沐。霾暗濛濛。虎觀寒飈。鳳城華鬢。空說扶桑日。
正東。隨清蹕。獻饒歌。朱鷺天樂回中。鼎湖攀鬣難從。
偕痛哭。褒公與鄂公。竟一朝。放廢塞翁。失馬百年。瞬息。
山穴尋龍。畚鍤須埋。形骸可畧。阮籍劉伶。酒社同。真險。
絕。幾飄零。異域。萬里扶筇。

題其年烏絲詞

王士祿

屈指詞人。咄咄唯髯。跋扈飛揚。似波寒。竟去衣冠。颯颯。
燭昏欲醉。履舄茫茫。紅豆筵中。白楊齋外。哀豔無端。互。
激昂。憑人道。是秋墳。唱苦子夜歌長。廿年落拓名場。
便歷落嶽嶽也。未妨看。禰生單絞。搥聲慷慨。陳王芋蔗。
舞態迴翔。兒女情。淡風雲氣。在同此。牢愁一寸腸。君無。
讓信黠。如顧虎。狂比袁羊。

禽虫詞贈穆倩

詞出畸人體。做禽言。筆做虫書。念熻熻內熱。真癡絕耳。
鳥鳥歌苦。何必然歟。蟲號可憐。禽名共命。呼婦相將。汝。
與予。稱觴處。倩禽聲。助曲。蟲臂吹竽。沙蟲猿鶴。元殊。
縱蝸舍鳩。居樂有餘。算通侯虫達。終歸寂寂。隱人禽慶。
羸得遠。遠莊晒。二虫。稽喙。凡鳥。赴焰。緣罔可。愍諸。先生。
笑道九頭安用。百足還愚。

讀李鏡月廬游日記

遙望匡廬幾載幽思忽忽南昌。想峰排五老半天空翠。
泉飛三疊百尺銀瀧。林時東西贇傳十八勝跡。心知不
可忘。問何日向彭蠡渡口。一葦輕航。臥游把卷神颺。
似肩拍匡君煙路翔。見天迴地迴。邀雲入戶。山深嵐重。
遲月升堂。錦澗橋邊玉淵潭側。恍惚心清聞妙香。才解
信道輞川愈疾。語不荒唐。

偶興

王士禎

春去秋來林無靜柯。川無停流。憶卓女壩邊花籠趙瑟。
要離冢畔霜淬吳鉤。劍客從游酒徒託乘。意氣居然橫
九州。誰知道有王家廝養騎尉通侯。十年壯志難酬。
但眼底清尊恣拍浮。謂萬戶千鍾卿其休矣。千峰萬壑
吾又焉求。龍性難馴。鴻飛何慕。爭席休驚海上鷗。忘機
久。任行歌帶索。五月披裘。

飲某將軍第

馮雲驤

百尺高臺千斛清醕。彈箏吹箎。正將軍設宴金尊。夜月
美人歌舞。玉樹春花。慷慨書生徘徊彈鋏。痛飲蕭條醉
九霞。沉酣也。歎壯心潦倒荏苒年華。回頭古樹昏鴉。
况邊塞飛篷與斷沙。悵英雄消盡黃雲漫漭。仙翁去遠
白石谿。訝莫訝余狂酒間起舞。曾記禰生試鼓。搗人寰

小待騎龍跨雀海島無涯。

記夢

李天馥

惟仲之秋明月三更夢到方諸。過翡翠巖中池皆瑤玖。
芙蓉城內樓見珊瑚。羽轡閒停。飈車偶駐。笑望羲和跳
赤鳥。居無幾見乘鸞駕鹿曳霧衣銖。香風吹下仙姝。
訝客自何來到。葢珠。撥絳雪青精索人玉臼。丹經綠篆。
示我陰符。樂響雲璈香飄石葉。一晌懽娛海未枯。迨醒
後再沉吟想像似有還無。

酒後作歌與擎庵

彭孫通

對影銜杯影且前來。吾方思之。算乘時只合免園傳冊。
成名何用。狐穴搜詩。世上舉肥。宮中磨蝎。大藥難將造
物醫。安予拙且聽竿。南郭植杖東籬。小園清映漣漪。
有密竹疎花事事宜。更多情綠綺琴心解渴。撩人翠嫵
黛色忘饑飽。看文君風吹鬢影。此樂誠然不可支。誰相
問道茂陵閑散謝客多時。

和金嶠庵

往古來今如許英雄。鐘鼎旂常。盡飄風冷雨餘聲銷歇。
寒煙蔓草陳蹟蒼茫。南顧昆明東瞻閩越。二十年來一
戰場。到今日喜豐年多黍。兵氣銷光。溪山老我何傷。
且買醉時。揆肘後囊須我歌若舞。身身擊缶倡予和汝。

欵欵飛觴。僕射不如尙書。不顧羯鼓頻催。不記行纔傾。倒早一輪紅日。湧上扶桑。

別園次

黃與堅

盍歸來乎。雪帳水床。伴我漁簑。儘人生快意。書殘繭紙。連宵樂事。饌供香螺。促坐燈前。盤呼六采。不用人間禮數多。休慷慨。是永嘉庭樹。生意婆娑。但教乞取雙鷺。記金勒當年。騁玉河。想悠悠末路。誰爲季主。茫茫往事。好問詹何。縛袴遨遊。故人憔悴。欲按新歌。又罷歌。驚心處。漸江梅吐白臘。盡春過。

贈柳敬亭

汪懋麟

狡黠淳于。抵掌而前。似此奇哉。任嘲詆。敖弄河山。塵芥軒渠。絕倒富貴蒿萊。攀檻狂呼。攝衣上坐。舌本青蓮。何處來。從他語學。伯倫作達。荷鍾須埋。當筵漫道俳諧。看此老前身。是辨才。記靈巖山畔。天花曾落。遠公社裏。錫杖常陪。慷慨逢場。悲涼說法。較勝雍門樂與哀。餘生事。但楞嚴繫肘。麩米盈杯。

贈友

胡會恩

擊筑悲歌。疇昔逢君。長安酒壚。又西遊萬里。秋風迴雁。輕裘匹馬。夜月飛狐。羌管胡琴。十年幕府。銷得平生壯志。無封侯事。怕感生髀肉。落拓江湖。醉來耳熱狂呼。

儘兄事袁絲弟灌夫。正中原鞞鼓尙屯鐵騎。城頭烽火
誰握銅符。盾鼻空磨角襠未試。忍負腰間玉鹿盧。荒原
外。且短衣射虎。看爾彎弧。

西湖新柳

西子湖頭搖曳風情。雨意飄蕭似蘇小。愁多青娘夢斷
無言有恨。暗約春消。昨日輕黃而今嫩綠。數徧東風幾
萬條。空依水見湖頭。比翼暮暮朝朝。曉來幽恨迢迢
也不倩張郎。看寶馬空嘶香車乍過。風流代謝
瞥眼難招。捲葉成聲。攀枝贈別。枉煞風前鬪舞腰。牽情
處。正玉人有約。在第三橋。

題美人画芙蓉

曹貞吉

嬈嬈亭亭何處折來芙蓉一枝。是青溪女士寫生妙手
花光粉膩。遊戲爲之。縱使無情也應有恨。月白風輕欲
墮時。堪憐處。傷沙汀蘆岸。掩冉風姿。多愁多病蛾眉。
便画出傷心寄阿誰。憶紅樓倦綉。輕拈小筆。烏絲罷味
淡抹脣脂。更費雌黃。枝頭點染。添箇翩翩蝴蝶兒。吹能
起笑。拂蠅成誤。老眼迷離。

病齒戲作

檢點形骸牙齒空存。凋零可哀似潮嚙危巖。恰欲墮
虫雕敗葉。次第成灰。活玉巢邊大郎遊戲。狗竇從君出

入來。昌黎曰。倘歲常落一兩紀奚猜。只愁三五爲儕。拚一夜霜風散早梅。彼伏生床上。傳經詰曲。張君柱下。覓乳徘徊。語怕成訛。食還喜軟。遮莫廉頗善飯哉。柔能久。但吾生舌在。暫此啣盃。

友人李生作生壙成詞以贈之

表聖之徒。富貴浮雲能齊。死生憶早年。任俠千夫辟易。中年策杖五岳縱橫。紫塞黃榆短衣孤劍。鬱鬱胸蟠百萬兵。今老矣。向荒山寄跡。汝社藏形。牛眠好卜佳城。便撒手懸厓自在行。彼麒麟。鬣鬣誰當不朽。煙霞沒滅。我本無營。大海潮青。嵐峰月白。樂此安知後世名。君無語。持黃金鑿落。飲若長鯨。

又

日月跳丸。虎頭健兒。雞皮老翁。笑求仙問藥。都無憑據。靈椿朝菌。一樣成空。羊角扶搖。枋榆棲止。總在茫茫噫氣中。何處問有南柯太守。馬鬣高封。達人游戲神通。便豕像祁連。蟻垤同。甚珠襦玉匣。牛羊廢壠。金鳧銀雁。禾黍秋風。天地遽廬。乾坤窳窳。千載王孫道未窮。今古恨。是白楊衰草。掩盡英雄。

悠然閣種木芍藥

吳綺

半閣初成正。正見南山名曰悠然。有疎窗六尺。低纔壓帽。

藏書兩架小恰如船。芳樹檐頭晴嵐屋上放了晨衙。卽
醉眠。春深矣。且聘紅買綠。俸裏支錢。洛陽佳種爭妍。
想太白清平調可憐。把護花鈴索隨時安頓。移春亭幔
着意遮全。貫酒酌香。教歌試豔。拚與花王結勝緣。吾還
笑笑當年杜牧也爲花顛。

戴務旃攜具過寺寓

孫枝蔚

身久不歸節近重陽徘徊獨行。正墻頭雨過豈花將落
殿前風起松鼠齊驚。乞食題詩遣愁沽酒滿鏡誰憐白
髮生。差堪慰有奇文在篋閒寫閒評。蒙君念我飄零。
信海內公然有弟兄。更米分仁祖。饑腸頓飽。螯攜畢卓
左手同腥。海已爲田。橘還化枳。往事回頭涕淚橫。吾衰
矣。願無雙國士。努力躬耕。

愁不去

愁答先生幸不傷人。莫漫相疑。况寄予天上。天傾久矣。
埋予地下。地陷多時。肯學虞卿著書。自見願立微勲。報
所知。從今往。任天涯羈旅。敢不追隨。憶君相見何時。
是獨上高樓。笛正吹。看杜康一輩。虛名無益。張衡四味。
發想偏奇。滿載扁舟。君王不稅方識人間此貨奇。君休
悞待人言。皆爾我始如斯。

西泠橋

錢繼章

已遠喧闐。漸覺幽涼。無過西冷。正微霜欲下。滿船風葉。枯荷未盡。幾點殘螢。鐘入蒼煙。山黏遠樹。拋卷方當午。夢醒。悠然起看游魚。唼藻野雀梳翎。安排綠酒青燈。擬淘洗閒愁。向水汀。恰薑絲調醋。新登蟹俎。蕨芽研粉。留伴萼羹。頗恠山童。近添閒供。露菊秋葵。插滿瓶。陶然醉。任人呼馬走。我已鴻冥。

題韜光絕頂

松挾濤風。與雲俱犇。山秀而危。漸莓苔積。滑斜添曲磴。葛蘿陰合。埋沒荒碑。鳥語猿巢。人過虎穴。松竹空濛。綠四圍。登巋閣。見一杯湖水似月初斜。潮聲日夜喧。看江海微茫。界兩垂。指歸雲沙際。白餘一線。危崖獨樹。秋在孤吹。悶殺登臨。閒消酒奕。老矣英雄。無所爲。空目斷。只荒臺衰草。送盡斜暉。

古香館夢歸白下寄伎

余懷

客寓婁東。秋水平橋。芙蓉晚開。攜巨螯紫蟹。拍浮杯酒。雙蛾紅袖。登眺樓臺。天下傷心。唯余與爾。分手消魂。各自猜。真如夢。似錢塘江上潮去潮來。中年懷抱。難開空自恨。高唐寂寞。迴歎香消南國。美人愁病。烏啼東府。客子徘徊。醉裏斜陽。齊梁故壘。衰草茫茫。後騎催。披衣起。但躊躇。四顧斫地悲哀。

題于忠肅公祠

錢繼振

百尺澄泉一杯雲芽敬弔先生想翠華北幸鐘簷殆岌
雕戈南下七鬯先驚誰措軋坤安如孟覆手挽銀河洗
甲兵堪悲處是弓藏免死壞汝長城荒山翠葆霓旌
向劍倚崆峒氣未平看一甌麥飯村巫拜禱半龕燈影
古壁光熒隔葉黃鸝綠梁飛鼠點綴淒涼落戶庭公神
在對四山松栝忍化冬青

裁白苧作春衫

陳世祥

較量寒消排當花了恰值清閒已攜將小妹繡翻異本
教他雛婢香揀深斑重幙須褰脫綿正可莫任春光漸
漸闌紅氈列早龍珠麟首金粟同安哀牢細織闌干
慢剪破秋江浪幾灣任退紅水碧都嫌色膩輕容方目
且放紗單一抹雙心兩當八撮曾入詩人體貼間裁縫
就正佳人麗服風日躋攀

題月團詞

吳農祥

角勝旗亭火鳳冰蠶猶懷夢思况新愁似海看餘黃絹
舊歡如月不盡烏絲醉落金釵夢等玉笛鬪引春心上
翠睂難提論是芙蓉開候荳蔻含時調成律琯參差
算架筆珊瑚更數誰記疎鐘鳴乳迎霜九滴秋缸融淚
唧壁雙垂帶孔慵寬帽簷微側從與東風綰別離何年

許盡簾櫳接地唱徹紅兒。

感興

杜濬

已往空思向後休。愁用未餘年。歎歷來遭際無非逆境，平生眷屬誰是良緣。悲亦空歌痛還當飲，拋却鳩筇又放顛。安排定向水邊林下作箇神仙。芳時恣意流連，但莫觸傷心重黯然。若秋之半也隄防白雁，春云暮矣迴避啼鶻。子愛南華史耽西漢，二物焉能便舍旃。無多事只文繁須汰，詩雜須刪。

由丹陽至京口舟中放歌

陳維崧

月黑虔亭風吼練湖雪。山皚皚。正楚天似夢檣多於薺。吳波乍染岸碧如苔。對此蒼茫居然遼落，記否江東出霸才。斜陽恨惹行人，憑弔商女悲哀。丹徒客昨帆開，問劉寄奴今安在哉。奈六朝剩壘沙淘浪洗，千尋斷鎖雨蝕煙埋。下瀨艨艟橫江，士女重見連雲列戍排。吾衰矣，且沽京口酒，上妙高臺。

月夜渡江

粉月一規雪浪千條，何其皓然。正稀微吳語佛狸城下，參差楚火胡豆洲邊。忽聽江樓誰吹橫笛，今夜魚龍詎穩眠。推篷望見秣陵似夢瓜步成煙。揚州更鼓遙傳，記小杜曾游是昔年。奈邇來情事，鬢絲禪榻當初况味。

綠竿紅絃。萬古精靈六朝關。塞都在。嶼磯牛渚前。吾長
嘯把一杯在手。好箇江天。

題徐涓文種山梅花圖

十萬瓊枝。嬌若銀虬。翩如玉鯨。正困不勝煙香。浮南內。
嬌偏怯雨影。落西清。夾岸亭臺。接天歌板。十四樓中樂
太平。誰爭賞。有珠袍貴戚。玉佩公卿。如今潮打孤城。
只商女船頭。月自明。歎一夜啼鳥。落花有恨。五陵石馬
流水無聲。尋去疑無。看來似夢。半幅生綃。淚寫成。攜此
卷伴水天閒話。江海餘生。

邯鄲縣叢臺懷古

匹馬短衣。竟上叢臺。慨當以慷。看誰家。戰壘寒鴉。落照
何年古戍。亂草平岡。十月疎砧。一城冷雁。不許愁人不
望鄉。徘徊久。只登高弔古。無限蒼茫。當年趙武靈王。
正樹裏河流。挂濁漳。更佳人。跼履粧臺對起。主孫炫服。
舞袖相當。而我來遊。幾番歷徧。不見邯鄲。挾瑟倡。何須
問便才人。廝養。總付斜陽。

秋夜聽梁溪陳四丈彈琵琶

瑟瑟陰陰。嗟哉此聲。胡爲乎來。似靈鼉夜吼。狂崩斷岸。
角鷹秋起。怒決荒臺。忽漫沉吟。陡焉掩抑。細抵游絲。綴
落梅。冰絃內。惹一宵涕淚。萬種悲哀。十年前記追陪。

乍握手霜橙暗自猜。歎朱門酒肉誰容。卿傲青樓子弟，
總妬君才。牢落關河，晚蕭身世，迸入空亭。小忽雷顛狂，
甚罵人間食客，大半駑駘。

晒書

憶昔吾家有萬卷樓。城西亳村。自江陵道盡，牙籤半失，
咸陽焰熄，玉軸猶存。借去一瓶，亾來三篋，墨化妖螭，赴
海門。無多剩似亂餘。故舊賣後田園。叢編暇日還捫，
與藥畏零星曝滿軒。任半生穿穴，碎同蠹蝕，有時發作，
陡若龍掀。貧極須捨，老來怕讀，閒對秋陽自較翻。吾休
矣。亟束書高閣，且晒吾禪。

泊舟惠山看六朝松并艮嶽石

昔歲我來乘白羊車。著紫鼠裘。愛支離者，叟霜皮黛甲，
玲瓏者，丈雁蕩龍湫。王謝家兒，宜和遺老，爾正愁時，我
亦愁。曾經過看累朝興廢，百代王侯。別來歲月如流，
歎赴壑修蛇，掣不休。又風吹雨溜，幾場兒戲，藤纏蘚蝕，
一樣蜉蝣。石豈能言，樹猶如此，何恠書生竟白頭。重來
到吹一聲鐵笛，叫破孤秋。

味硯爲李若士賦

若士時將入楚

誰向螭潭剝紫雲。肝鐫白玉脂。便曹王臺上，喚他銅雀，
徐陵序裏，輸却琉璃。瘦比龍精，嬌踰鶴眼，蒸出韓文與

杜詩。窪而黑。是媧皇煉賸。羸政鞭遺。醉磨盾鼻。能爲
還笑倩防身。鳳味隨。但每看劍動神先跳。盪時聞笛起。
興更淋漓。此去衡陽。祝融峰上。要寫懸崖百丈碑。顛狂
甚。叱青猿代捧。蘸墨親題。

戲味閨人踢毬子者

嬌困騰騰。淡院清清。百無一爲。向花冠尾畔。剪他翠羽。
養娘篋底。檢出朱提。裏用綃輕製。同毬轉。篋盡墻陰一
線兒。盈盈態。訝妙踰蹴鞠。巧甚彈碁。鞋幫只一些。些
况滑膩。纖鬆不自持。爲頻誇。猥捷立依金井。慣矜波俏。
礙怕花枝。忽憶春郊。回頭昨日。扶上闌干。剔髻絲垂。
外有兒郎。此伎真惹人思。

送友人入山採茶

十里溪山。竹粉纓。鬱蘭風藻川。有蒙茸。蘿葛蔽。巖曦月
坦迤澗壑。向背林泉。夕渡遄歸。晨漁緩出。谷唱潭吟韻。
遞綿。居此者是秦時毛女。漢代琴仙。人家四月開園。
送君去。剛逢穀雨天。恰晴村綠。掩數間僧竈。清江翠箬。
一帶商船。摘處盈盈。焙餘冉冉。歸臥迴廊。瘦石邊。松濤
沸。正龍團乍碾。蟹眼初煎。

芹野草堂感舊

爲集生作

過西定橋。有芹野園。崢泓坦迤。記花闌。藥嶼。島何澹澹。

煙汀雨瀨水太羅羅。樂去爽鳩愴深銅狄。牧笛吹風夜起波。憑高望。悵舊家光景。邈若山河。小樓一棹經過。奈三度亭臺易主。何縱王孫無恙。東風認否。主人重到。燕子知麼。笑說當年。樗蒲一擲。絕似名姬換馬。馱君休恨。較臨春。結綺博進誰多。

送徐實均南還

高詠

白髮逢春對酒高歌。送別他鄉。望津門柳色。數竿新漲。紅亭帆影。一片斜陽。此去吳天。玉山佳處。朱戟烏衣畫錦堂。何須管。那王孫草綠。杜宇聲忙。臨岐莫惜分張。奈庾信年來。歸夢荒。任春風帝里。曲江杏苑。秋聲南國。桂子天香。汝好爲之。吾今老矣。嘯傲煙霞。總不妨。消魂處。向斷鴻。飄梗回首行藏。

荆卿

毛先舒

游於酒人。深沉好書。我愛荆卿。但泠泠高唱。翻成楚泣。身身倚和。不雜秦聲。燕市鶯花。酒壚風雨。只許三人結伴行。塵埃裏。把英雄老了。何用知名。陡然一諾相傾。便七首單提。殺氣生。看渾河秋色。北來風緊。咸陽衰草。西望雲橫。劍客爲虹。秦皇是日。真主從來不受驚。龍門筆儘千秋萬古。憑弔多情。

自快

自快吾生生長錢唐西子湖頭。愛淨慈南岸，藕花爛熳。
林逋西嶺，梅樹清幽。螺翠浮來，虹腰忽斷，零落風情晚。
未收。層樓外聽一聲鐵笛，鶴過滄洲。古今駛若雲流。
况葉落梧桐，萬象秋。要知心幾箇，不衫不履，扁舟一葉。
隨鷺隨鷗。我醉欲眠，卿今且去。明日攜琴續勝遊。君不
信，照錢祠岳墓，孤月含愁。

寄贈王揚州

沈謙

不斷長江滾雪翻雲，日夜東流。惟萬里煙花，終沉伍劍。
三分明月，先照隋鈞。郡縣勞人，文章絕世，斗大如何困
一州。偏豪邁在詞中拜，將醉裏封侯。瓊花寄我難酬。
奈水滿蕪城，夜色浮。道執卷跨牛，其中有樂腰錢騎鶴。
此外何求。素札空傳，玉簫誰教，泛泛還同沙際鷗。虛名
悞，但濃斟玉液，煖被貂裘。

又

羨爾高情濯足，淮河振衣蜀岡。便眺覽煙雲，何妨薄宦。
沉酣典籍，不愧清狂。駿馬穿花，佳人雪藕，摘徧朱荷水。
一方。新歌奏，早聲傳北里，色豔東皇。墨痕錦袖，淋浪
但悵望星橋，有報章。任歲月驅馳，宮中磨蝎，風塵黯黹。
路上亾羊，一日不齊，百年渾醉。攜手頻移翰墨場，休回
首。縱蘭陵酒美，何處吾鄉。

題烏絲詞

史惟圓

將古人詩比似君詩惟髯絕倫更倚聲寫句鏤冰雕玉
風檣陣馬牛鬼蛇神年事蹉跎交游零落短褐羸僮逐
路塵愁凝處縱才如雲錦不療饑貧烏絲誰和陽春
憶鄒董風流逝水濱恐吟盡斜陽鶯花多怨味殘夜月
蟾兔還嗔我本痴頑君應潦倒白雪紅兒寄此身憑君
問唱江南曲子更有何人。

爲雪持題像

髯爾何人坐老松根雪寒奈何憶臨窗按譜吟殘絳蠟
當筵顧曲醉盡紅螺富貴何時人生行樂大婦調絃小
婦歌披圖處見形神散朗意氣嵯峨此身合伴煙蘿
任舞絮飛花拂面過有聲犯龜茲風箏霧笛隊名回鶻
蠻髻胡靴作戲逢場行吟得意占盡風流未足多須添
取其釣徒詞客相對婆娑

黃鶴樓

萬里澄波漢耶江耶登臨快哉有晴雲舒卷層層樓迥
雄風披拂面面窗開作賦禰生題詩崔顥占得人間幾
許才都休問怕蒼茫弔古觸緒生哀仙踪一去難迴
任幾度人民換劫灰看東連吳會寒潮斷岸西鄰巫峽
暮雨荒臺倚檻多時凭闌竟日玉笛何人又落梅斜陽

外望凌空孤鶴爲我重來。

江夏懷古

漢水江深此際凭高中心慨慷問何年帝子鵲啼西蜀
幾人名士龍臥南陽火照空城昔生故殿當日渾疑古
戰場來遊處見千門繡瓦萬井銀墻人間幾度滄桑
想兒女英雄總斷腸嘆周郎折戟多情顧曲曹公橫槊
遺恨分香夏口旌旗武昌樓櫓遙望山川盡鬱蒼無窮
事付殘楓衰柳一片茫茫。

孤松

曹亮武

兀昇離奇生峭崿間鬱乎蒼蒼看千盤繡纈形如馬鬣
百尋鱗甲勢若龍翔昨夜狂飈濤聲萬斛恍在滄洲極
混茫還須記是秦封不受挺立無雙那知桃李爭芳
共冷石寒潭送夕陽歎幾番物色幸辭刀鋸多年領受
却飽冰霜歲月頗閒雲山足樂莫誤他時作棟梁根蟠
處有茯苓似斗琥珀脂香。

重修放崔亭

陸進

試望孤山雲際巋然亭子落成看玲瓏闌檻青紅微溼
逶迤石磴蒼翠初生舊月還來新梅補種仍映湖光瘦
影橫逋翁去歎千年不返放崔空名猶聽樵斧丁丁
閱老樹荒臺幾廢興漫回思遺草不畱封禪重捫斷蘚

細讀碑銘。濁酒澆時。画船泊處。長引游人懷古情。黃昏
後。任風傳清唳。來往精靈。

春暮感懷

曹鑑平

久客歸來。拂地東風。莫負春光。正天桃着雨。燕營舊壘。
垂楊浥露。鶯弄新簧。酒伴攜尊。山童躡屐。繡陌朱樓捲
幔香。閒馮眺。漸苔痕糝綠。菜甲拖黃。年過騎省。悲涼。
把憂患餘生。且暫忘。任落拓。乾坤不夷。不惠行吟澤畔。
呼狷呼狂。芳草隨鞦韆。野花刺眼。消受韶華。是故鄉。追思
處。恨驚颺。未息驢背星霜。

感懷

茅麟

却悔從前。汲汲棲棲。南北東西。想千山秀冶。仙溪一曲。
孤村疎曠。茅屋三弓。少不如人。饑來驅我。辜負庭前菊。
與松家何在。在伯通廡下。杜宇聲中。追思花影千重。
忽夢入巫山。十二峰。奈纔離分水。不聞香豔。再來合浦。
已失春容。笑隱芙蓉。書緘荳蔻。贏得如今賦惱。公歸來
後。任溪雲鬢鬢。山雨空濛。

李孔德出情人所畱指甲索詞 朱彝尊

并剪分時。逗向君前。春心暗驚。記銀釭照處。曾挑錦字。
碧雲歌斷。尚劈霜橙。覆瓦彎環。層冰碾薄。只是中心最
不平。相思苦。任拋殘寶瑟。閑殺瑤箏。詩人慣惜傾城。

唱三疊陽關千里程。把香囊繫住。潛通扣扣。紅絲解罷。
低喚卿卿。猛省秦樓。纖纖指下。何得愁中。却盡生孤眠。
夜想麻姑搔背。一段風情。

擬豔額

鏡檻初開。宜對粉題。休籠紫綸。記折花共劇。蘭雲纔覆。
塗粧伊始。翠鈿曾安。慣疊纖羅。微嫌短髮。手裊紅絲著。
意刪犀梳。斂護貂茸。一剪閣住輕寒。日斜倚小門闌。
但端正窺人。莫便還見。障羞月扇。低時半露。吹愁梅瓣。
點處成斑。素奈看勻小蟬。比竝料是詩人想像間。蜂黃
淺愛夕陽無限。映取遙山。李白詩妾髮初覆額折花門
前劇王建詩素奈花開西子

面孔氏疏云小蟬也溫庭
筠詩額黃無限夕陽山

又鼻

滴粉堆成黃點。輕黏運斤可能。見窺簾乍露。斜侵短燭。
挑鬟欲遍。易近圓冰。愛嗅青梅。慵填香棗。扶下秋千喘。
未勝閒中坐。試微噓。素指暗驗鈎繩。荷風水檻長凭。
盼消息。郎歸嚏定。曾伴謝公游去。聯吟或擁徐妃粧後。
半面須纏。泪法低分。汗融先拭。紅袖遮來。媚轉增。凝神
久。想新停月脉。旋抱飛蠅。道書玉女鼻端有黃點圓冰
小鏡名香棗用石崇事淮南

子子午郊西爲二繩丑寅辰巳未申戌亥爲
四鈎俗傳右可以驗時婦人有娠蠅抱其鼻

又耳

玉琢芳根麝月初。弦螺峰遠侵。勝吳綃画了。微添朱暈。秦璫繫却。密釘神針。粉拂頻沾。香雲帶掠。釵鳳珠垂。冷不禁。盤龍鏡映。玉臺素手。影後斜臨。小堂誰弄清琴。通一線靈犀。直到心。慣春閒。易倦偷粘。角枕夢輕難續。翻恨鶯吟。細馬馱來。埃風生處。掩就綸巾。未易尋。羅幃底。把無聲私語。遞向更深。張萱画婦人以朱暈耳根

又齒

文貝編成。密瑣華池。懸漿易霑。愛蘭湯乍嗽。含朱愈瑩。瓠犀難擬。排玉還銛。刺繡花勻。縫花結扣。持截餘絲。不用添。芳津嚙對。青梅一點。軟却慵拈。早雅啼遍前檐。

悄叩罷潛。將心事占。見輕塵動處。歌時定啓。愁眉展後。齟慣休嫌。忍病先寒。因嬌成噤。竚想頻銜。素指纖。相思字漫沉吟。齧筆褪了毫尖。釋名曰口下曰承漿針灸經曰承漿一名懸漿也醫家口

齒方有唐英俊非玉司馬相如作賦把筆齧之似魚

又膽

葉場梔房。一點中池生來。易驚笑金釵。卜就偏能斷決。犀杵鎮後。纔得和平。樓響難登。房空怯。最三斗除非借酒傾。芳名早喚。狗兒吹笛。伴取歌聲。沉憂何事牽情。悄不覺人前太息輕。怕殘燈枕外。簾旌蝙蝠。拂幽期夜半。窗戶雞鳴。愁髓頻寒。回腸易碎。長是心頭苦暗并。天邊

月縱團圓如鏡難照分明。黃庭經注膽為中池素問膽三斗借用管輅事元稹詩狗兒吹笛膽娘歌內經膽病者善太息

又腸

嫵孌輕軀能有幾多容萬斛愁。慣悲銜腹內相看脉脉。事來心上。一樣悠悠。鳥道千盤。轆轤雙綆。又類車輪轉未休。縈方寸穿錦梭。暗擲弱縷中抽。柔情曲似江流。怕易割秋山。懶上樓。况三朝三暮。巴猿峽口。一聲一斷。杜宇枝頭。百結將離。九迴猶剩。孟沃能勝酒力不樽前。曲再休歌。河滿泪落難收。白居易詩能有幾多腸錦梭用梭腸有意錦絲穿語魚玄機詩離腸百結解無由李商隱詩回腸九迴後猶有剩回腸又白詩三孟自要沃中腸唐孟才人歌河滿子畢

武宗命鑿候之脉尚溫而腸已絕矣

又肩

紈質停勻。比似陸郎。何曾暫離。被詞人賦就。望中疑削。画工減盡。染處恒垂。籬弱纔過。墻低乍及。結伴還從。影後窺。緣紅索上。秋千小立。恰竝花枝。蝓螿領下。訶梨剪雲葉。玲瓏一半。虧記量成尺六。難增分寸。飲過三爵。易致斜欹。愛拍樽前。願扶倦裏。細步惟應。處處隨。吟飛雪。怕玉樓生粟。拂袖遮伊。海鹽陸東美妻有容止夫婦相重寸步不離時號比肩人洛神賦肩若削成画法美人無肩漢雜事肩廣尺六寸蘇軾詩凍合玉樓寒起粟

又背

意遠態濃珠壓腰。水肌最勻。盼新月堂前。殷勤匍伏。
秋千架上。推遞逶迤。見客遙來。和羞却走。翩若驚鴻。望
未真。踏青去。惹春游。年少目送香塵。催歸潛理丸巾。
怕汗浹。輕容拭更頻。憶閒中指爪。癢須爬。慣宵分姊妹。
擁便情親。每到嗔時。拋郎半枕。難齧猩紅一點脣。甚憎
甚。縱千呼萬喚。未肯迴身。杜詩背後何所有
珠壓腰。被穩稱身。

又臂

勝曼陀羅。八萬四千。非耶是耶。效蹋搖娘曲。聯時宛轉。
胡騰兒舞。旋了交加。拍按霓裳。張同鳳翅。攘處拖環。急
鼓搗。呼同坐。把香肩微竦。側倚琵琶。曲欄凭晚涼些。

添羅袖。纔令一半遮。更泥他。沽酒卸金跳脫。教伊展画
替玉鴉。叉待枕先舒。將盟暗齧。印綢繆。小字斜。臨當
別。搗花房。蜥蜴重繫紅紗。李神柘枝伎詩。画鼓拖環錦
臂盟。見左傳。唐宮人
選幸。以綢繆字印臂。

又掌

小小瓊田。煖玉無塵。紋生細波。慣先調粉。淨兩邊齊。傳
未昏菱鏡。一面頻磨。鞦韆托真纖指。離偏遠。水上瀟裙著
意搓。闌干拍惹鴛鴦。驚起飛度風荷。樽前一握無多。
縱燕燕身輕。舞則那。任青紅碧綠。接成綵縷。裁縫熨帖。
研就香羅。冷露三霄明珠幾顆。除是仙人不讓他。春來

病把芳心捧罷百徧摩挲。楊无咎詞掌托鞦兒漢雜事指去掌四寸李商隱詩仙人掌上三霄露

又乳

隱約蘭胸菽發初勻。脂凝暗香。似羅羅翠葉新垂桐子。盈盈紫萼乍擘蓮房。寶小含泉花翻露蒂兩兩巫峰最斷腸。添惆悵有纖鞋一抹卽是紅墻。偷將碧玉形相。惟瓜字初分蓄意藏。把朱欄倚處橫分半截瓊簫吹徹。界住中央量取刀圭調成藥裏寧斷嬌兒不斷郎。風流句讓屯田柳七賦贈酥娘。漢雜事胸乳菽發

又膝

纖骨亭亭窮袴輕籠長裾半懸。訝流黃慣織頻掀綜底。小車容却每觸簾邊。手抱無聊。心慵易軟。拜起須扶態更妍。留仙皺見勝常道罷。小立依然。試令踏節歌筵。

翹一足長同沙鷺拳。把春衣卸盡有時蔽錦寒衾架處。恨未添綿。醉裏便姍姍時嬾密隨意天斜坐簸錢。教郎坐放阿侯學步俯視齊肩。曹植靜思賦行嬾密而妍詳古樂府十七生兒字阿侯

又看

李珍

初月雙灣暎帶秋波遠山可伴。愛黛螺不染生來自綠。綵毫難画曲處如鈎。潮覺佯羞豎綠薄怒潛語通情得自由。些微事奈心腸窄狹早露峯頭。看伊鎖處多愁。

似柳葉經春雨未休。把兩痕淺碧嬌殘綽約十圖新譜。
暈減溫柔。聽得蕭郎今朝歸也。喜色匆匆箇裏浮。盤龍
內見日來蛾際別樣風流。

又心

高轉千思只方寸中容多少愁。將憐他有意芳盟自勒。
恨誰不語酸淚偷流。綵戀多情玉郎看眼刻畫心魂在
裏頭。有人問道冰壺皎映含蓄溫柔。絳宮十二重樓
似三點疎星月一鈎。看香爐縹緲燒來成字。綵絲約結
綰就成毬。越女西家病時常捧顰。效東施態愈羞。銷魂
絕想風前銀燭灰處方休。待庵季廉和竹垞太史沁園
春擬豔詞凡八闕今補錄其

二

陸義山攜兩妾粵歸賦贈

顧貞觀

團扇風流桃葉桃根殷勤渡江。問珠娘嬌小可禁憐惜。
璧人依舊肯恣清狂。椰酒同傾。尊羹待熟不負華年錦
瑟。旁攜家近念吹簫伴侶縹緲相望。誰云四海空囊
有入洛詩篇使粵裝。是未經霜雪炎洲翡翠却歸煙雨
鏡水鴛鴦。他日朝天。画省應問閣帖重題陸女郎。金環
在把一編新語分付青箱。

夫椒懷古

董元愷

七十二峰有夫椒山在水中央。記十萬水犀雲連茶火。

六千君子霧擁餘艤。動地魚龍匝天鷺。鶴只此湖山閱
霸王。君試看。但波濤滾滾。煙樹蒼蒼。百年幾歷滄桑。
歎馬跡曾誰見。始皇。况高牙大纛。驚飛鷗鷺。亂煙疎雨。
灑徧帆檣。故國興亡。大江南北。總向秋風一葦杭。都休
也。任沼吳沼越。却又斜陽。

味馬

吳 樞

紫燕翻雲白鵲嘶。春天馬再來。甚犇霄躡電。頻周日舍。
晨鳧銅爵。盡出龍媒。宛種朝馳。房精夜降。腰裏驤騰。櫪
上材。誰能顧。使千金價重。歛起風雷。三空牝牡。休猜
爭得似。風流買駿臺。更玉郎。躑躅薔薇。作供。劉家尙武。
苜蓿新栽。駿入僧憐。嬌將妾換。對舞登牀。進酒杯。長鳴
久。看流珠歎玉。千里初回。

春盡日再至南礪看杜鵑

吳本嵩

與客重遊繫馬停車。花事依然。自昨來。苦憶三更孤枕。
今朝廷。佇半日春天。圖畫樓臺。管絃山水。併作花枝十
倍妍。空亭裏。似含羞被酒。嬌暈當筵。傷心不待秦川。
歎帝子。魂歸又一年。倩石家錦帳。遮伊行處。鄂君繡被。
擁汝尊前。擊碎珊瑚。拋殘紅豆。只有春光。劇可憐。青山
晚。恐落紅如血。又化啼鵑。

春日山居

王 紹

徙倚柴門如許春光幽思無聊。漸淺藻浮青煙生溪口。
長松分翠晴蔽山椒。斷續人家參差林麓官道遙通大
石橋。香風起又吹殘穠李落盡天桃。竹籬夾住墻腰。
更北舍東鄰屋覆茅。喜叱叱村童畦邊驅犢。身身漁父
浦外鳴橈。時見斜陽平連蒼莽。荷鍾隨身下採樵。都休
問問王孫芳草愁絕魂消。

又

山繞吾廬且啓煙扉悠然遠思。看墻角花英落成紅雨。
簷前柳葉曾任青絲。漫捲蝦鬚頻來燕子認得空梁舊
壘飛。傷心處撫筆牀茶竈事事都非。春風不管芳菲。

任陌上香塵着地吹。更怨鎖鶯魂聲移庭院夢迷蝶影
愁上翠眉。絃冷焦桐香沉睡鴨檢點生涯幾自疑。朝來
後又門窺松鼠野叫山雞。

寄越生村居

儲福宗

所謂伊人我欲從之。山阿水滄任園荒柳徑年書晉字。
津迷桃浦跡避秦灰。且課樵青更呼飯犢。一曲狂歌歸
去來。他年志約村南煙舍穩住芑鞵。掉頭慢世休猜。
豈出岫無心鳥倦回笑短轅襟袖誰知己者高軒冠蓋
毋溷公爲萬事滄桑數椽卜築亂竹飛花掃却開須乘
興向輞川深處覓個王裴。

憶舊

沈爾燦

檢點年華芳信遙。催碧湖、画溪記。大堤調馬，醉敲金鐙，小堂行酒，煖褪羅衣。玉笛翻雲，絳紗籠月，繞砌梅花露未晞。銷魂處，恰新聲偷換，刻燭頻低。倦遊客路東西，奈滿鏡、春愁鬢漸非。想半牀絃索，任從蛛網，一池煙柳，長伴鳥啼。准擬移書，惜花鶯燕，畱待行人二月歸。歸來晚，正江南好景，綠暗紅稀。

賦香囊

沈岸登

剪就并刀，縫取神針，薄言纈之。愛篆消金，鴨未薰先透，珮添珠玦，欲卸同持。窄窄微綃，慣藏心字，只有湘裙六幅知。愁盈把，向檀郎暗解，滿貯相思。定情宜有新詩。通叩叩桑中路，側時任攜將。燭下頻頻私覷，繫他肘後，步步長隨。莫是偷來，休教賭却，畱待紅羅複帳垂。須珍重，賽千絲，結網網住西施。

中秋

陳聞

隱隱星河遙，隔數峰斗轉，星沉算事常八九。不如人意，月當三五，雅會吾心。雲母屏開，琉璃徑滑，桂子飄香天外。尋閒坐久，正露凝碧砌，月淡疎林。酒酣因自長吟。誰共對，姮娥此夜，深料青天碧海，淒涼自古。瓊樓玉宇，憔悴如今。羅袖驚寒，清樽送夜，陡覺秋風兩鬢侵。縈懷

處但千家羌管。一葉疎砧。

筆秃戲詰

蔣景祁

汝中書君既老而童。其奚能爲笑。憑將指授髮何種種。閒供揮灑貌類期期。奮鬣無能書蟲亦費蠶尾銀鈎體。盡非。嘻憊矣。曾珊瑚架爾玳瑁裝伊。我懷智永禪師。合理汝劉伶塚畔歸。只虞卿懶著情傷潦倒相如欲賦。影恠支離。倚劍飛仙簪花侍女爲爾頽唐也若斯。中山。喬問毛公去後健者爲誰。

筆對

憶事先生牙籤石屏。斐几烏皮。每凌雲擬製魚牋頰。擘將離寫恨錦瑟無題。憐若花枝舞同掌上。別有風情不自持。從傾倒也。幾經拂拭費盡才思。倦遊君亦如斯。歎憔悴相依短鬢絲。但新花欲發還縈江夢。遠山教画難嫵張睂。少負英豪老嫌伧彊。自分時宜未盡宜。真衰矣。向管城歸去長謝趨陪。

送費琰次歸皖江

君且歸乎負此青門。有酒如澗。歎未行萬里伏傷櫪。驥真成六翮脫似鞞鷹。句畫旗亭歌傳檀板。還向樅陽理釣簪。青溪口看江鱗潑刺。雪浪千層。送君詩寫吳綾。更獨上高樓試一憑。有斜陽影裏齊梁剩壘神鼓祠畔。

浦漱殘燈。便可輕舸。何妨蠟屐。偏我秋風。病茂陵。長房
去。憶故園三徑。縮地無能。

味煙

閨秀張 縈

竹影搖窗。瓶花落案。晝景依然。柰春困難。支宿醒未解。
鳳團初熟。獸炭猶燃。漫檢湘囊。笑拈銀管。金屑氈。素
指傳。湘簾外。裊雲煙。一縷繚繞花前。闌干徒倚。俄延
漸粉腕。嬌凭小婢肩。任寶鴨香消。嬾添蘭麝。雲鬟斜墮。
慵整珠鈿。半晌曹騰。片時掩冉。一枕邯鄲。別有天。還堪
戀。怕柔腸乍冷。願與流連。

丹鳳吟

題其年先生填詞圖

蔣景祁

試問年來。長是刻燭。高歌敲壺成節。掀髯脫帽。題徧酒
家。墻壁。相逢漫道。曲中情事。除付琵琶。念奴翻得。忽復
含毫未下。幾度沉吟。暗裏誰解消息。此際鳳樓宣召。
金蓮燦爛。特地撒侍。輦陪遊處。有玉環微笑。領取歌闋。
文璣錯落。綴上蕊珠宮闕。休憶江南楊柳岸。唱曉風殘
月。洞簫人和。是霓裳舊拍。圖中旁
画仕女

八歸

送山農

李良年

茶蘼雪綻。棟花風近。春只賸一勾耳。荒程折盡。東西柳

見說九峰歸客又催行李。驛草裙腰沙外冷。繞幾曲帶
愁煙水。還記否。聽雨牀。連約我坐船尾。試看吹綿野
店。落紅亭堠。多少匆匆游子。苾鞵漸嬾。青簑白舫。商畧
五湖閒事。念前期。暗負別後朱顏。易憔悴。輸此去。採茶
僧。逕燒筍。山家人在綠陰裏。

題其年填詞圖小像

曹貞吉

散聖安禪。烏衣白恰。淡蕩風流如許。酒旗戲鼓。人間世
博得蕭然。驢背鬚眉塵土。凌轢詞場。三十載。寫六代興
亾無數。翻墨瀋。歷落欽欽。看海奔鯨怒。誰拂生綃。作
焰維摩。清冷坐對散花天女。二疊霓裳。一聲河滿。曲項
琵琶金縷。問英雄紅粉。可到相逢斷腸處。想歌闌。溪卮
微勸。銀甲春寒。水沉香慢炷。

宣清

送米紫來之官建昌

紫來以司
李改補

朱彝尊

別酒初醒。曉月猶懸。夫街。藜藜。画鼓滿汀洲。柳暉白蘋
灑。船窗孫楚。零雨昌邑。城邊宮亭。湖上南州。樂上且攜
將法曹詩。風流香令同賦。記九疊芙蓉。五峰瀑布。當
年曾望處。想廳事花陰。疎簾乍卷。向画中看小米雲山
無數。載鳴琴。臨流喚渡。任優閒。寄情毫素。長安布衣判
留滯。經春盼仙鳧。一雙飛度。

瑶華集卷十八

賀新郎

一百零五首

賀新郎

戲馬臺

吳易

九曲洪河瀉。似重瞳風流豪蕩。美人駿馬。驀澗注溪。三十萬蓋世。暗嗚叱咤。目斷處。高丘浩野。成敗難平。廣武歎儘人間。豎子王和霸。君莫笑。拔山者。卯金龍種。真無價。笑紛紛。使君七箸。寄奴田舍。玉帳茱萸。歌吹滿舊。楚樓船臺榭。對寂寞。山川圖畫。鬪虎英雄。爭鹿地。付烏騅。赤兔漁樵話。藉草坐。淚盈把。

送杜將軍弢武

吳偉業

雙鬢愁來白。數威名。西州豪傑。玉關沙磧。家世通侯。黃金印。馬稍當年第一。磨盾鼻。懸毫飛檄。雅吹投壺。詩萬首。舊當陽。虎帳春秋癖。思往事。頓成昔。天涯寂寞青門客。念平生。鞭箠萬里。布衣之極。滿地江湖。漁歌起。誰弄扁舟鐵笛。正柳色。依依南陌。日暮鄉關。何處是。故人書草。沒磨崖石。漫回首。淚沾臆。

病中有感

萬事吹華髮。論龔生。天年竟夭。高名難沒。吾病難將醫。梁涪耿耿。胸中熱血。待灑向西風。殘月。剖却心肝。今置地。問華佗。解我腸。千結。追往恨。倍淒咽。故人慷慨。多奇節。爲當年。沉吟不斷。草間偷活。艾炙蒼頭。瓜噴鼻。今日須難決絕。早患苦。重來千疊。脫屣妻孥。非易事。竟一錢不值。何須說。人世事。幾完缺。

影梅庵憶語久置案頭不省誰何持去辟疆再
爲寄示開卷泫然

龔鼎孳

雁字橫秋卷。乍凭欄。玉梅影到。同心遙遣。束素亭亭人。宛在紅雨一巾重。法理不出亂愁成繭。騎省十年蓬鬢。改歎香薰遺挂痕。今淺。腸斷譜對花展。帳中約畧芳魂顯。記當時。輕綃腕弱。睡鬟雲扁。碧海青天何限事。難

倩附書黃犬。藉棋日酒年寬免。搔首涼宵風露下。羨煙
霄破鏡猶堪典。雙鳳帶再生翦。

送陸金粟省親歸梁溪

下直縑囊卷。正梧陰日斜。人散篆煙風遣。江上白雲游
子夢幾載青衫長。滋千百結銀蛾纏繭。歸到洞庭霜乍
落。看橘盈懷袖寒香淺。溫清暇綵衣展。豈須名就親
方顯。趁高秋鱗松虬曲。珠泉簾扁。手進晨葩雞黍潔絕
勝杞根花犬料。衰病歡然扶免。自昔英才公府掾。每起
家臺閣諳朝典。裙屐習早除剪。

代人贈別

人與秋雲卷。乍亭亭紅橋玉笛。柳絲颺遣。羅扇練裙何
限淚。今夕背燈偷泣。剝不盡五絲蠶繭。此別竟無魂可
斷。笑消魂兩字言情淺。芳草外翠屏展。天涯回望雙
星顯。憶聞歌珍珠成串。餅金鎔扁。簾幙幾番花霧重。吹
煞胡麻仙犬。今而後吾真知免。若許都亭攜手去。儘臨
卽酒債將裘典。香唾袖莫輕剪。

和贈其年

玉笛西風發。送賓鴻。一城砧杵。千門宮闕。秋滿桑乾沙
岸。曲曲蘆花飛雪。又報到今番圓月。羈宦薄游俱失
意。詫長楸車馬多如髮。徒刺促。錐刀末。小山叢桂難

攀折轉堪憐。紛紛項領汝曹何物。只許窮交長對酒。况是江東人傑。任夜夜蘭釭明滅。作達狂歌吾事足。問人生幾斗。荆高血行樂耳。苦無益。

又

一曲驪歌發。正秋宵露寒金井。星疎瑤闕。江上青楓如有約。夜半落潮如雪。留不住故人明月。自是五湖煙水好。笑東華塵土埋黃髮。路最怕羊腸末。唾壺如意應敲折。古今來英雄兒女都爲情物。孤憤信陵遊戲事畢。竟千人之傑。看轉眼煙雲變滅。萬事不如歸計穩。聽杜鵑枝上三更血。詎賣菜更求益。

又

津柳霜飈發。乍分手驪駒一曲。鳳凰雙闕。黃菊丹楓猶在眼。休悵紅亭吹雪。換幾度天涯圓月。酒醒夢回多少事。感蕭蕭易水衝冠髮。試脫穎見其末。寶刀欲贈心先折。算今古豐城龍劍。終爲神物。一任椎埋與屠狗。浪詡爛羊魁傑。那更記灰飛煙滅。此去夷門還鄭重。有滿懷未老侯生血。更却掃待三益。

贈柳叟敬亭

鶴髮開元叟。也來看荆高市上賣漿屠狗。萬里風霜吹短褐。遊戲侯門趨走。向與我周旋良久。綠鬢舊顏今改。

盡歎婆娑人似桓公柳。空擊碎唾壺口。江東折戟沉沙後。過青溪。笛牀煙月。泪珠盈斗。老矣耐煩如許事。且坐旗亭呼酒。拚殘臘。消磨紅友。花壓城南韋杜。曲問毬場馬。稍還能否。斜日外。一回首。

答橫秋見壽時將行役雲中

曹溶

玉宇秋如水。爲黃花滿襟離恨。雁箏頻倚。落日馬蹄窮塞。玉白髮一肩行李。銅柱北曾經脫屣。又挂風旗沙柳外。對摩崖片石揮毫起。呼屈宋且休矣。故人相見平安喜。寫新詞龍蛇飛動。牢騷心事。刁斗河山今不閉。敢詫封侯萬里。笑老去疎狂未已。范蠡湖邊蓴菜熟。肯羊裘敝盡車生耳。痛飲酒真男子。

幼弟新婚

方亨咸

家慶團圓好。正和鳴鳳鸞齊舞。椿萱未老。綵勝貼門珠作幔。百幅香奩翠繞。看小謝翩翩年少。康樂顛狂呼酒滿。說科名不慢兒孫早。偕白髮學兄嫂。洞房椒壁須予草。臨羨之婚姻兒女。那封帖稿。再要丹青殊不吝。但索石榴瑤棗。還画出秋山睂巧。曼倩詼諧觴政肅。令筵前賓客都顛倒。拚今夕到天曉。

登燕子磯望大江作

宋琬

絕壁銜飛閣。倚寒空。嶒岈窈窕。是誰雕琢。六代興亡如

逝水煙冷千尋鐵索。夢不到烏衣簾泊。結綺臨春歌舞
散。大江流向遶青山郭。悲自語簷邊鐸。滔滔東下風
濤作。俯闌檻。鼉鼉出沒雲山歎薄。况是清秋明月夜。何
處樓船吹角。早驚起南飛烏鵲。估客船從巴蜀下。看帆
檣半向青天落。吾欲醉騎黃鶴。

寄友

雙槳將鳴也。投半刺。汝南叔度丰姿閑雅。倒屣延君君
上坐。談笑風生。朱夏長太息。娉婷未嫁。袖出明珠三百
顆。是元和而上。開元下。堪把臂遠公社。相思久矣。相
逢乍。立斯須。迴颿羯鼓爲君重打。同學少年多不賤。強
半五陵衣馬。誰信道黃鐘喑啞。載酒陳琳荒冢畔。是當
年會遇知音者。千載後爾其亞。

贈友

吾輩今衰也。憶當年。偕游諸子。夫街躍馬。跋扈飛揚。驚
四座。更看禰衡善罵。同醉酒昭王臺下。袒褐高樓呼五
白。和悲歌。宛若無人者。懷古昔。追風雅。回頭萬事成
飄瓦。况新來友人凋喪。船餘書畫。惻愴山陽。思舊賊鄰
笛。何堪中夜算。只有窮愁東野。桃葉渡頭。聊卜築。問秋
娘。尙復能妖冶。君不語。淚盈把。

爲侍御楊琢庵題像

野鶴昂藏意。是當年。彈文柱下。陽球司隸。驄馬連錢。霄漢上。騎出五侯爭避。誰信道。蛾眉見忌。飄泊東南天地。外長五湖不待官家賜。逢醉尉防其罟。虎頭妙筆真無二。寫元龍豪吟不似三閭憔悴。歷徧九州夷險路。惟有醉鄉堪寄。更許我入林把臂。二八嬋娟彈錦瑟。倩尊前暫閣英雄淚。歌既闕。唾壺碎。

贈柳敬亭

曹爾堪

八十龐翁叟。見從來。衣冠優孟。功名芻狗。炯炯雙眸。驚拍案。似聽濤飛石走。嘆此老知名已久。大將黃州開廣。讌倒銀瓶。擊節頻呼柳。排戰艦下樊口。長江浪惡風清後。束輕裝歸舟。一葉帆移星斗。画角牙旗。頻入夢猶在。轅門使酒。諸巨帥皆爲吾友。白髮瘦驢。燕市月。少年人能識蒼顏否。歌未闕。起爲壽。

題汪爾張画

遠嶂雲千疊。望層巒空煙半捲。似明還滅。上有清泉飛一道。最可解人炎熱。石鎖處谿流如咽。下有松杉迷小徑。挂潺湲樹頂懸晴雪。鴻濛後氣猶結。誰人識得逃名訣。向溪山結茅種竹。人踪俱絕。惡木叢中行已慣。不怕門前虎穴。閒處聽杜鵑啼血。若向画圖呼欲出。想斯人肌骨真清澈。長往者是豪傑。

感舊東西樵

蕭寺眠長夏。恰頻來。荆高墟畔。搗箏舞蔗。變換浮雲。憐世態。嬉笑深於怒罵。瞥眼過。何須悲咤。曾記餘生。飄泊處。画船移百幅。烏絲寫。差意氣。轢顏謝。鵝黃新釀。酣將瀉。但婆娑。鄂公祠廟。白公亭榭。今日彈冠歸故物。鞅掌紫薇官舍。還有客呼天問夜。湖水流脂。山減黛。小樓空人。逐東風。嫁。仍夢到。兩峰下。

題郎官山雪霽圖贈陳伯騶

黑霧迷南裔。賦歸來。公平無渡。重關晝閉。漂泊天涯。供嘯咏。詩律少陵偏細。狂欲叱高岑。奴隸寒夜飲。酣空入極。檢奚囊。酒脯當除歲。山水癖。暫留憇。遠遊可耐風塵際。憶家鄉。數峰明滅。郎官青髻。袍笏堆牀。推望族。舊是江田門第。還不少。綠瓜丹荔。颺母波恬。潮信小。倚危樓。松竹交虧蔽。歸去夢。雪初霽。

春游

巖沉

霽色天街六。徧魚梁。水漸齊下。縠紋重蹙。院落寒輕。收燈後。迤邐遊人相屬。數不了。鈿車金犢。過雨平沙。風未起。碾紅塵十里。輕如麴。勝杜曲。與韋曲。芭籬宛轉。藏茅屋。遠峰青。赤欄干外。酒旗斜矗。繁杏枝頭。雙鳩語。商畧偷開一簇。更柳眼。搓黃拖綠。際此朝回。衣暫典。任先

生爛醉歸休促。藉草坐濯吾足。

夜飲

王士禎

過雨花如繡。正呆魚低垂。四面繁英香透。結客十年知已少。何似銀箏翠袖。莫須問濤飛山走。且解金龜休作惡。未傷神絲竹。中年後。空淚墮。金城柳。長安一雨分新舊。更誰能望塵。膝席爭名雞口。高逝安期靈氣盡。一望三山似阜。但海水盡成醇酒。鸚鵡螺卮金不落。問狂生得似公榮否。休暫住。推纂手。

席上被酒示程村

把酒歌金縷。正遲日和風小院。金衣梳羽。緩拍紅牙清樽畔。蟬鬢美人相語。更掩映花前白苧。釵挂臣冠交翠鳥。細腰身幾欲凌風去。似燕燕掌中舞。花奴妙合梨園部。便何妨岑牟犢鼻爲卿。搥鼓數弄漁陽平生氣。不禁飛揚跋扈。自古道英雄無主。胡粉搔頭聊作劇。料思王而在。應相許。君但醉酒如乳。

過廢園

萬錦雯

四壁堆蒼瓦。是當年遺基剩址。凌雲之厦。一自風流銷散後。無復詩壇酒社。但景物依然瀟灑。短白長紅新刺眼。問野花爛熳誰栽者。人不到。自開謝。唾壺敲缺悲歌罷。歎人間繁華能幾真。真如傳舍。多少王侯羅第宅。盡

入漁樵閒話。算只有青山非借。我欲支頤看爽氣。又日
之夕矣。牛羊下。空徒倚。意難寫。

憶梅

夢到孤山下。正依稀。清臞標格。逋仙流亞。紙帳素屏無
覓處。辜負廣平騷雅。空悵望。荒臺寒榭。豈是春風欺北
地。想緇塵難在。高人駕。甘寂寞。在茅舍。如今臘盡。應
開也。逞精神。珠離玉綴。霜天雪夜。驛使不將消息寄。縱
有幽懷莫寫。幾時得。重攜杯斝。只恐梅花還似舊。待歸
來。白髮堪盈把。誰爲我語同社。

內子買隙地種梅賦示

黃末

笑指梁鴻婦。記當初。伯通廡下。縞衣相守。椎髻短裝君
似昔。惟我年來老醜。肯辜負。緋桃穠柳。何物清寒堪似
我。與梅花作伴。差能否。人喚作孤山叟。須栽三百羅
前後。舞春風。漫空飛雪。暗香堆袖。待得花開。梅子熟。換
取東鄰美酒。拚醉倒。田家瓦缶。白眼虬螭。多少大儘蠅
頭冠蓋。相趨走。卿隱矣。吾何有。

贈其年卽和來韻

高士奇

風雅誰堪比。羨元龍。胸襟磊落。詞華工麗。江左紛紛諸
俊彥。端讓難兄難弟。早已著驚人姓字。幾載傾心思會
面。恰相逢。又隔新豐市。黃葉落秋深矣。九重近日頻

留意正同時。班揚董賈齊登啓事。壁上偶題紅杏句。佳話由來稱旨。好打疊金鑾應制。漫擬甘泉工獻賦。更揮毫草檄。龍顏喜。沾濁酒共君醉。

送成容若扈從

鳳吹臨晴野。看旌旄。歲蕤百里仙郎。扈駕一簇紅雲。班隊裏。箇箇輕裝都冶。應只有長卿閒雅。誰識胸中才八斗。任浮沉。執戟鑾輿下。白玉勒花驄馬。天高風緊斜陽也。聽傳宣。離弓新上錦鷹初架。霜落草枯。平坂闊。好騁穿楊騎射。頻賜沐官庖法炙。不信能文兼會武。向周廬讀史消寒夜。羽獵賦更須寫。

湘南雨泊

顧貞觀

菱鏡秋如許。筆牀移。疎簾垂下。落英無語。早晚沉香薰。煖閣見說歸來還未。怕醉裏鄉書難據。看擁孤眠屏山上。画平沙。隻雁瀟湘雨。從此路問君去。分明江畔維舟處。又模糊。千重雲水。淡煙濃樹。今夜鴛鴦須耐冷。睡鴨紅綿親炷。料也憶玫瑰雙杵。待倩西風將消息。一聲聲吹送蘆花渚。君不寐。試聽取。

雨花臺晚眺

此恨君知否。問何年。香銷南國美人黃土。結綺新粧。看未竟。莫報諸軍飛渡。待領畧傾城一顧。若使金甌長怕。

缺算繁華千載成虛負。瓊樹曲倩誰譜。重來庾信哀
難訴。尙依然石城桃葉舊。消魂路。如此江山剛換得才
子幾篇詞賦。弔不盡人間今古。試上雨花臺上望。但寒
煙衰草秋無數。聽嘹唳雁行度。

和辛稼軒

愁向清輝說。暗將離水。統却扇香羅替葛。不覺涼颼吹
茱麗。回首紗厨似雪。得幾度爲君簪髮。行矣天邊風露
冷。算故鄉亦有團圓月。幽怨重寫瑤瑟。情知又是經
年別。轉難忘。凭肩密誓長生鈿合。此意雙星應鑒取。好
耐寒肌侵骨。思密意怕成輕絕。來日征帆休便挂。聽殘
更軟語。鎔心鐵。銀漢影夜分裂。

西窗有感

沈謙

雪滿臯亭路。正西窗小梅數葢衝寒欲吐。獨酌無聊人
也醉。一霎天低日暮。驀地裏蘭燈偷炷。睡鴨濃香薰素
被。命如絲。怎把長宵度。簾外冷。叫鸚鵡。舊游零落。憑
誰訴。憶池亭。疎蓮搖暝。斷虹截雨。釵墜桃笙呼不醒。暗
裏冰肌親拊。奈天樣紅墻間阻。錯是當時真錯了。便六
州聚鐵。應難鑄。眸炯炯聽街鼓。

旅思

尤侗

歲月能如許。問愁人更經消得幾番羈旅。白髮悲秋燈

下味生受紙窗風雨。况添却數聲砧杵。敲破客心千寸。碎枉教人夢斷江南浦。雁叫也。又平楚。澆愁惟酒差堪語。忽傷心。此身飲罷。茫無歸處。空自珠簾難画燭。看盡清歌妙舞。但贏得青衫淚苦。紅袖殷勤。休勸醉。奈鬢絲禪榻閒。看嫵老去也。訴漁鼓。

端午和劉潛夫韻

小滿吳蠶吐。乍陰晴。春紅消歇。黃梅迎暑。刮眼風塵紛未了。徧地蒲人艾虎。何處覓龍舟競渡。橫笛短簫江上遠。但關山烽火傳鼙鼓。請拔劍爲君舞。眼中世事偏如許。算英雄百年成敗。一杯殘醕。金紫貂蟬長在否。不抵枕中炊黍。又看盡蠻爭觸怒。讀破離騷還痛飲。歎吳儂更比湘纍苦。只一醉。忘今古。

偶興

偶過慈仁寺。見門前五株松樹婆娑盡矣。二十年來風景換。不謂樹猶如此。感往事。攀條流涕。白髮青衫驅款段。笑無端。貰酒荆高市。聽擊筑。悲風起。又逢佳節。黃花裏。悵登高。西山殘照暮雲千里。極目齊州煙九點。家在吳頭楚尾。添幾幅。荒丘廢壘。漢寢唐宮何處問。只滔滔不斷渾河水。買一棹。吾歸耳。

贈別其年

錢芳標

粉堞悲笳發。動離人。腮邊玉筍。口中石闕。十丈軟紅休沐。宴相對藕絲晴雪。漸踏到銅街涼月。我尙淹畱。君又去。知幾時。華頂同晞髮。最悞是鷓班末。少年齒憶鄰梭折。舊清狂。怕驅不盡眼前俗物。從事督郵投分。好入手霜螯偏傑。袖裏刺由他漫滅。躍馬昨隨南海子。伴期門雨透猩袍血。嗟陞楯長何益。

又

僕馬侵晨發。正殘秋雨收紫陌。氣澄丹闕。去問雁池脩竹裏。近有何人賦雪。恐辜負謝莊明月。西掖清輝千里。共料相思他夕。添華髮。空放眼鑒毫末。薊門霜柳殷勤折。算百年掃愁排悶。只杯中物。廣武旌旗無忌館。漫羨七雄三傑。彈指處薰銷燼滅。那更銅臺歌舞伎。剩春田躑躅開如血。不痛飲復奚益。

登龍池絕頂憑虛閣

史鑑宗

蒼翠飛千狀。破松根。嶙峋石磴。曲隨煙上。一徑蹒跚攀絕頂。縱眼豁然遼曠。看足底群峰鋪浪。小閣恰當龍窟處。俯懸崖萬仞。臨虛漭。憑欄語衆山響。掀髯不覺層胸盪。眺東湖一泓杯水。空明微漾。老衲孤棲誰伴侶。虎嘯猿啼酬唱。問佛法無言相向。酌我半甌中頂茗。傍龍湫拍手雲生杖。登臨興老尤壯。

春怨

沈豐垣

不放春光去。仗樓前千株暗柳。片時遮住。無奈東風吹
偏緊。誰惜茫茫飛絮。都只管亂拋行路。春太難留。人易
老。惟銷魂橋畔。銷魂樹。空惹得淚如雨。一春不合因
愁誤。縱而今。賞花醉酒也。傷遲暮。枝上流鶯。花間蝶。記
起舊時歌舞。奈密約終成間阻。倚枕分明。春又在一絲
絲。夢裏黃金縷。燈再剪。夜三鼓。

感懷爲袁穉庵先生賦

張台柱

歲月難留任。歎回頭功名萬里。盡成塵土。我已銀絲生
雙鬢。何況秋娘。看嫵待還。問舊時歌舞。無限傷心。言不
得解金貂。且醉青樓暮。歌乍闋。淚如雨。西風歷歷傳
更鼓。倩江頭曉來鴻雁。漫催行路。十五年間。天涯客纔
是歸來一度。早又向北燕南楚。馬上濛濛寒雨。下指萬
山樹。黑無人處。獨自個掉鞭去。

九日飛來峰登高

諸匡鼎

此日當重九。正堪憐紫萸黃菊。登高時候。攜得良朋同
策杖。直上飛來山阜。又豈待白衣送酒。塞雁南來。飛不
盡。想佳人懶把鴛鴦繡。樓子上小垂手。丹楓萬樹。遮
靈鷲。忽哀猿數聲啼起。殘霞洞口。回憶画樓行樂處。流
水白雲依舊。算只有秋娘皓首。歸去旗亭新月上。繞清

溪風動蕭蕭。柳且酣飲莫論斗。

淮陰祠

董以寧

爲漢空犇走。嘆當年追猴逐鹿終烹功狗。曲逆留侯雖
陰詐。呂雉之謀多有。算此際高皇身後。平勃區區都易
與。怕將軍武悍還如舊。因中禍君知否。無雙國士稱
能鬪。奈英雄寄餐漂母。未央授首。百戰難爭真王印。何
事英風射斗。生死出婦人之手。漢主荒臺秋草沒。喜淮
壩廟祀終難朽。君休信蒯通口。

贈柳敬亭

曹貞吉

咄汝青衫叟。閱浮生繁華蕭索。白衣蒼狗。六代風流歸
抵掌。舌下濤飛山走。似易水歌聲聽久。試問於今真姓
氏。但回頭笑指蕪城柳。休暫住談天口。當年處仲東
來後。斷江流樓船鐵鎖。落星如斗。七十九年塵土夢。纔
向青門沽酒。更誰是嘉賓舊友。天寶琵琶宮監在。訴江
潭憔悴人知否。今昔恨頻搔首。

送阮亭東歸兼悼西樵

倦客歸轅里。恰三秋霜林葉散。鯉魚風起。四角紅氍毹
子。背躑躅河橋之際。趁不上東華宵騎。三疊淒涼渭城
曲。感生平清淚如鉛水。知我者惟兄耳。重逢蕭寺人
憔悴。憶君家中郎阿大。清言何綺杳矣。人琴千載恨。宿

草吞聲未已。離緒到中年如此。生不成名身已老。歎虎頭食肉非吾事。空擊筑長安市。

鴉陣

鴉陣來沙渚。逗輕寒。霜天一抹。晚紅如縷。掠下晴窗驚帛裂。影逐斷雲歸去。伴黃葉蕭蕭亂舞。寒話空林飛且止。似商量。明日風兼雨。聲啞啞。倩誰訴。黃雲城畔知無數。趁星稀。月明三匝。一枝休妬。雁字橫斜。分幾點。極目江村煙樹。惆悵煞。落霞孤鶩。啼向碧紗。堪憶遠。最淒涼。織錦秦川女。空房宿。泊。偷注。

題其年身絲詞

光恠騰蛟蜃。化髯公。壺中墨汁。離奇輪困。海若驚飛。天吳走翠節。靈旗隱隱。憑誰話。六朝金粉。譜入賜絃三千調。寫冰車鐵馬。無窮恨。數紅豆。記宮本。身衣王謝。江東俊。是當年。將軍猿臂。虎頭猶困。羸馬敝裘。銅駝陌。博士賢良待問。賦朱鷺。黃驄惟謹。擊筑且隨屠狗輩。任西風吹老滄浪鬢。秋氣肅。雁聲緊。

中秋味月

是夜月食

徐倬

碧海晶簾卷。問姮娥。清輝須惜。浮雲須遣。幾點憂時發。婦淚迸作九霄露。泣星影散漫空飛。繭。此夕風光猶較可。忍來宵素魄。畱痕淺。桂華蠹愁何展。斗邊一角銀

河顯怨無端投壺笑巧南箕舌扁更怕寒芒分道出惱
亂人間雞犬天上恨嬋娟難免自有凌雲脩月斧奈瓊
樓玉宇非專典霓裳袖阿誰剪時有復差
巡方之議

呈李容齋學士

宋 犖

歲又將秋矣向天涯良朋高會於今無幾館閣雍容稱
好客誰似青蓮才子詞賦手招來燕市小院雙榆新霽
後寫傷心綺語清宵裏爭擊鉢任浮醴余惟翹首興
懷耳正窮愁柴門偃仰未陪名士妬殺曉風殘月句譜
自娉婷女史作佳話流傳不已何日更成文字飲共狂
歌一曲涼飈起先寄訊吾知己學士方有詞會
余適以病未赴

秋夜

章士麒

簾捲秋山暮似柳陽雁飛不到有書空阻幾曲離闌閒
徙倚此恨江郎難賦但伴着孤燈無語瘦影欺人衾又
薄拚今宵獨聽梧桐雨滴不盡淚無數閒愁抵死縈
心緒更一任酒寒玉笋爐消香炷縹緲楚江雲一片認
取巫峰何處還只怕夢兒無據漏過三更容易曉一聲
聲不肯留儂住天漸霽月初吐

贈顧梁汾和成容若韻

閻場次

且住爲佳耳任相猜馳牋紫閣曳裾朱第不是世人皆
欲殺爭顯憐才真意容易得一人知己慚愧王孫圖報

薄只千金當灑生平淚。渾不值一杯水。歌殘擊筑心
逾醉。似當年。侯生垂老忽逢無忌。親在許。身猶未得俠
烈。今生已矣。但結託來生休悔。俄頃重投膠在漆。似舊
曾相識。屠沽裏。君試讀龍門記。

初夏

朱彝尊

誰在紗窗語。是梁間多愁雙燕。惜春歸去。早有田田青
荷葉。占斷板橋西路。聽半部新添蛙鼓。小白蕩紅都不
見。但悄悄門巷吹香絮。陰綠重已如許。 花源豈是重
來誤。尚依然倚杏離闌。笑桃朱戶。隔院鞦韆看盡。圻過
了幾番疎雨。知未日簸錢何處。午夢初迴。人定倦。料無
心肯到閒庭宇。空搔首獨延佇。

憶伎

塞土胭脂紫。女墻深。榆飄似筴。柳多於薺。身作紅襟雙
語燕。飛入碧紗窗裏。看挂鏡親盤鴉髻。象篋蝦鬚都不
捲。惹犀梳粉拂餘香膩。勻面了。掃眉未。 玉娥遺曲康
陵製。換新聲。箏調銀甲。笙調銀字。蝴蝶團團。花底住。薄
倖西風驚起。夢不到綠陰青子。白雁橫天來又去。盼蕭
娘一紙書難寄。五湖約十年矣。

寄友人榆林

一別三重九。歎年來燕臺寂寞。酒人非舊。遙望秦川邊

沙遠客淚徒盈襟。袖想塞下秋來風候。白草黃榆天無際。問圖書何處消閒晝。泉一勺秣千畝。同心最恨離居久。藉雲鴻題書萬里。往來亭堠。悔不短衣從兄去。獵馬千群開口。便作使秦娥行酒。酒後狂呼雙耳熱。更彎弧射碎轅門柳。窮塞主可能否。

寄懷蔣馭鹿

史惟圓

十載都門路。問征衫只應攜得免。園詞賦。曾作陳王舊賓從。應教揮毫聯句。正脫帽筵前狂舞。朱閣苔生金殿冷。悵山丘華屋歸何處。空淚灑東平樹。黃榆日暗邊塵聚。趁歸橈吳閶煙月。片帆初駐。獨擁秋衾夢銅輦。飄落江鄉歲暮。還見說鬢顏如故。欲向西窗同剪燭。怕遊蹤又逐西風去。煩塞雁爲傳語。

虎丘味月

山勢連天遠。愛峻嶒危崖峭壁。煙雲在眼。却被吳兒更多事。砌就風亭月館。只伴得綺羅香煖。除却生公臺畔石。有何人長見。冰輪滿。曾幾度聽絃管。繁華逝水何時返。任消沉吳王劍氣。玉魚金盃。一曲新聲誰唱徹。幾點驚鴉飛散。還應怨秋宵恁短。燈火闌珊人去盡。又曉鐘敲罷三聲斷。塘上路棹歌緩。丙辰中秋與其年雪持南水上人偕游虎阜於五更後登山落月殘燈遊人絕跡別是一境界也。

梁溪華子瞻與秦對巖齊名均齒今對巖官禁
近而子瞻淪落如故詞以寄慨 陳維崧

少日敦槃約記同游梁溪二妙華年相若繡袷紅衫雙
掩映宛似連枝花萼船竝艤綠楊城郭一客日邊紅杏
放染爐香日講龍樓幄又十載歸田樂 彈寇近日之
荆鄂壓秋水犀下瀨雄姿馬稍帳下廬兒三十萬伐
鼓開船黃鶴旗獵獵北風夜作一客織絺纒掩肝到霜
天敗楮那堪着姑一笑視寥廓

顏魯公八關齋碑

在歸德

萬劫何曾壞裂蒼皮筋纏血裏蘚痕攢薑剝角缺文銅
綠滲郤鼎犧尊兒輩風雨惡百靈趨拜多事囚螭還掣
虎覆巉巖翻恨孤亭在何不放騰光恠 先生當日原
兵解想揮毫握拳透瓜筆鋒英快門枕睢陽荒戰壘斷
鏃愁燐似海呼南八聲情忼慨千古雙忠遺跡共剔殘
碑洗盡纖濃態鷹側腦攫天外

上方寺鐵塔

在開封

欄楯浮空去劃玲瓏榴皮石髮青紅無數看盡宣和風
景好又看官娥北渡有多少梨花夜雨西望銅駝荆榛
裏算千秋老輩惟吾汝晉宋事總塵土 鴻濛一氣憑
斲取躡丹梯千盤百級上通玄圃根插中原維地軸其

下黃河一縷。曾經過怒濤煎煮。無限西風神州恨。倩相輪做盡興。亾譜鈴鐸響。自相語。

東京旗亭紀事

酒向旗亭貰。驀然間歌絲一縷。飄來墻罅。却是吳中諸小部隊。隊檀槽羅帕。群合樂南薰門下。中有一人尤相熟。是襄王筵上會逢者。一句句鄉關話。更闌軟語終難罷。歎此間梁臺宋苑。斷垣頽瓦。我到東京真失計。卿亦何爲然也。得毋類明妃遠嫁。此語殊悲。非相戲。碎花枝莫漫將人打。英雄淚浩盈把。

讌玉峰徐健庵太史宅歌舞煙火甚盛

月照梨花午。讌華堂西京趙李。東都燕許。玉佩珠袍。聯翩至。綠酒春釭正乳。不須恨英雄無主。穆護沙纔袞徧了。九天開飛下。瑤臺女。又解作霓裳舞。偃師百戲堂堂去。看場圓交竿。放出火蛾無數。髣髴蜃樓海門市。西極狡狴偏怒。更炮打襄陽門戶。頃刻鴉啼金井曉。掀頭船且睡。波深處。篷背上響春雨。

作家書竟題范龍仙書齋蘆雁圖

漏悄裁書罷。繞廊行。偶然瞥見壁間古畫。一派蘆花如雪亂。白雁濛濛欲下。有立且飛而鳴者。萬里重關歸夢杳。拍寒汀絮盡傷心話。推不了。淒涼夜。城頭戍鼓剛

三打正四壁人聲寂靜月華如瀉再向空齋移燭認水
墨陰陰入化恍嘹唳枕稜窗罅曾在江船逢此景便画
圖相對心猶怕君莫向高齋挂。

秋夜呈芝麓先生

擲帽悲歌發正倚幌孤秋獨眺鳳城雙闕一片玉河橋
下水宛轉玲瓏如雪其上有秦時明月我在京華淪落
久恨吳鹽只點愁人髮家何在在天末 憑高對景心
俱折關情處燕昭樂毅一時人物白雁橫天如箭叫叫
盡古今豪傑都只被江山磨滅明到無終山下去拓弓
弦渴飲黃虜血長楊賦竟何益。

送三韓李若士省親之楚

若士尊公時
爲湖廣提督

秋到離亭暮。美風前。珊珊鞭玉靶。翩然竟去。借問此行何
所向。笑指巴煙郢樹。是烏鵲。憤南飛處。路入南荒休騁
望。有陶公戰艦空灘雨。灑熱酒。浪花舞。嚴君坐擁貔貅
旅。壓江流。一軍下瀨。目無黃祖。昨夜月明親饗士。要
奏新填樂府。都不用。陳琳阮瑀。手掣紅旗。翻落陣看郎
君。下筆驚鸚鵡。猿臂種氣如虎。

寄蔣馭鹿

朱邸分青社。記當日。竟陵文藻。彭城風雅。盛世天家敦
玉牒。花萼交輝其亞。正內殿霓裳舞罷。龍子一從歸大

莫悵陳王不憚苔生榭。呼賓從銷閒暇。鄒陽流落江潭夜。剔秋燈。故人重見在楓橋舍。憔悴白頭論往事。多少鸞箋鳳帕。說不盡銅輿佳話。今日金風吹兔苑。任西宮花放還花謝。拚夢到王門下。

送四弟子萬之任黎城

中秋後一夕

月尙圓如許。只江郎魂消欲別。黯然難賦。矯首玉河橋上立。爲我斯須還住。看歷歷霜毫白兔。假使羿妃知此意。敞璇閨應也愁蛾聚。何苦烙征鞍去。此行莫道微官誤。算人間幾多彩筆難紆尺組。上黨舊爲天下脊。共說雄藩澤潞。趁年少黃皮縛袴。若到三垂岡上過。倚西風立馬爲傳語。李亞子。竟何處。

題南畊杲亭追用其年先生韻

陳大成

危構蒙茸罅。坐空亭。六班茶熟。換來藿鮓。霽旭初升。蒸曉潤鴛瓦。矚矚光射。有樹色參差其下。爲語羲和須頓轡。想咸池浴出。驚瀾怕。看頃刻林端挂。方塘一曲。何清灑。小蓬壺架成丘壑。巖巒如畫。晝影簾移。無人覺。送到檐鈴風馬。管此外雞蟲鬧打。老至耽書。頗懶讀漫尋思。曝背南榮者。棋枰冷。茗煙藉。

追和在平夫子午日讌集韻

歸允肅

憶得名園路。倚雕闌。曲沼亭臺參差堪數。韋杜風光。饒

勝賞知己同游笑語。奈獨客柔腸千縷。遙想觥籌多樂事。隔天涯。總是關情處。春盡也。又端午。羈愁何必重歌楚。美他鄉景物依稀。還供蒲黍。身作行吟。憔悴客謾自傷。今弔古。拚醉倒。盈樽綠醕。故里笳簫人喚渡。動蘭橈。一霎飛香雨。徒極目。江南去。

味蘋果花紅

杜 峇

封識書倉罅。恐桃蟲輕施蠹尾。如餐包鮓。兩種苔岑同妙氣。青李來禽爭射。中州產迭爲高下。猿佻吳兒耽爽口。便百錢一顆。何曾怕。分利市。緋紅挂。颯然涼色。看間灑。齒牙邊。些兒俊角。不須刀画。聞說荔支先入貢。倒使北船南馬。收拾起。長竿撲打。只有素羹粧點。稱更輸他消渴思茶者。剛把玩。懷中藉。

與龔箏師話舊

客子秋風罅。憶何堪。三分鱸膾。七分官鮓。雁柱頻移。無酒債。一串金鈴激射。似湘瑟。吟空而下。記得藏鈎羅幙裏。逞奇鋒。假面教人怕。碧玉桿。銀牀挂。燒槽隨意柔莢灑。將幾輩英雄兒女。手描舌画。別去已經十六載。鐵騎冰車野馬。却化做雲中鶻打。捱到落花寒食後。再聽君紅豆。哀彈者。天寶事。忽雷藉。

送沈客子南歸

魏 坤

住也如何住。檢征衣。西風雁底。試裝綿去。圓菊金鈴纔
插鬢。那有酒壚心緒。撇多少。悲秋伴侶。猶記鬧蛾兒唱
後。掛燈旛影。蹴香塵路。吟徧了。落梅句。新霜冷月侵
瓜步。夢初闌。幾株鄉樹。幾聲柔櫓。一鏡春山人好在。憐
取舊時眉嫵。載白舫。重尋煙浦。剩有酒徒。牽旅恨。剪釭
花倦枕。聽寒雨。五湖約笑輸汝。

送山農歸里

高騫

斗帳應無寐。盼遙天。雁風吹送。曉霞魚尾。便駕輕車金
犢頸。不待吹菰煙起。看飛趁。帆竿燕子。重與吾家三十
五。話荔枝紅。照漳江市。牽一段。好詩思。郵籤數盡投

吳會。正深林。橘綠橙黃。採香姝麗。試滌青花磨翠。餅遍
寫鷗塘秋意。但歸到。竹籬門啓。藥圃蘭畦。依舊在。望橋
東。小墅空煙水。莫忘了。早梅寄。三十五
謂雲客

蛟橋月

吳曹直

橋壓雙溪轉。記相傳。赤烏年代。孫家初建。荆水銅峯佳
麗處。正是六朝陽羨。其下有波聲清淺。兩岸紅樓燈火
夜。恰如霜古月。當頭現。想曾照。國山縣。當時此地寒
蘆捲。莽山河。射蛟以後。滄桑幾變。歷代興亡同逝水。冷
落于今香鈿。只皓魄依然一片。百恠魚龍銷歇。盡寫空
濛虹影。澄於練。圓似鏡。掛波面。

登萬壽宮閣

吳璘

傑閣凌雲出。倚危欄。長江飛練。遠山凝碧。跨鶴仙人無
覓處。雞犬雲中誰識。又陵谷。幾番更易。我欲乘風天上
去。借靈符。再鎮蛟龍宅。寶劍在。鏽腥血。江城一望真
姿絕。歎年來。重門深院。露沾荆棘。隔浦牙檣。迷夕照。半
是漁舸。估舶。乍彷彿。洞簫聲咽。何必琵琶。江上曲也儘
堪司馬青衫溼。憑眺處。晚風惡。

旅懷

一唱陽關闕。到如今。清明過了。又逢佳節。客裏何知時
序改。但任花凋月缺。拚憔悴。少年華髮。細嚼村醪無妙
理。卓孤燈。夜雨涼生席。恁滋味。費周折。男兒自是輕
離別。豈當他。百年一瞬。電光如擲。回首鄉關。何處是那
更雲山。萬疊。惟顧影。夕陽明滅。漫說羈人情。思苦只羈
情。欲說無須說。相思淚。暗沾臆。

別恨

自分生辰薄。恁多愁。天公不管。任教飄泊。每到春來。眠
客舍。數盡花開花落。又紫燕。新雛綽約。天際歸舟。何處
認想。晝長人倚闌干弱。幾番誤喜。簷鵲。佳期有約。成
耽閣。悔當初。河梁分手。欲前還却。不是江湖。名利客。怎
慣天涯海角。盼雲樹。萬重遮幕。百結愁腸。惟耐酒。奈醉

來轉覺心頭惡。嬾去也引孤酌。

登徐氏悠然樓追懷映薇先生用稼軒悠然閣

韻先生原任
吉安刺史

萬樹

曲尚屯田柳。獨余宗魯山。蘇二分寧黃九。每得吉州相
印。可誇向荊州老手。許新譜金元追舊。多付雪兒歌麗
句。立司空左右周郎後。彈指頃竟何有。樓頭無恙銅
官秀。問先生。飈車雲馬。尚重游否。試倚朱闌吹紫玉。寄
響蓉城鶴岫。好爲我臨風迴首。紅粉花枝何處是。只飛
來燕子徘徊久。身後事不如酒。荊州謂
袁籜庵

問家僮

汝到園中否。問葵花向來鋪綠。今全紅否。種柳塘邊應
芽發。桃實落牆東否。青笋籜褪蒼龍否。手植盆荷錢葉
小。已高擎碧玉芳筒否。曾綠徧桂叢否。書牋爲寄村
翁否。乞文章。茅峰道士返茅峰否。舍北人家樵蘇者。近
斫南山松否。堤上路尚營工否。是處秧青都似浪。我鄰
家布穀還同否。曾有雨有風否。

三野先生傳贊

三野先生者。謂野居野。心野服。自稱三野。人不知其何
從。至姓氏知之者寡。在陋巷門無車馬。人不堪憂。君獨
樂。且訢然樂以忘天下。天山遜是其卦。蕭然四壁惟

圖畫於吟詩讀書之外。惟能書寫。閒則雲山隨所至。多與漁樵荅話。或共飲極歡而罷。贊曰：人生斯世者，每勞於名利而無暇。如是者，一人也。

游石亭記

乙巳春之季，與吳君曹君諸子，會於槐里，遂往游於石亭。磧少長，群賢畢至，興不減蘭亭脩禊。此地崇山多峻嶺，有茂林脩竹，清流水，堪暢敘坐其次。氣清天朗，風和惠，共欣然，形骸放浪，興懷託寄。俯仰彭殤，皆妄作，莫問世殊時異。且一味一觴，相繼。客曰：斯游真足樂，不可無韻語傳於世。余曰：諾，是爲記。

月夜舟發九江用迦陵詞韻

曹亮武

滿引村醪罷，陡然看江山如此，有誰能畫。回首楚山千萬里，直欲乘風而下。愁渺渺，誰知我者。人隔鄉關風土異，聽鄰船沒個江南話。頻淚灑，悲秋夜。片帆一任犇濤打。正蒼茫，玻璃千頃，銀河欲瀉。雁落蘆汀花正雪，混水天都化。幾明滅，漁燈艙罅。角枕橫施，眠未穩，恐驚魂一去，招猶怕。涼月向波心挂。

南山病中和京少見訪之作用原韻

稍錫虬龍勢，是當年剖腸跨虎，幻神通地。此日閒房，惟伏枕，早似衰年病肺。未四十，動搖吾齒。百感茫茫成底

事算從頭却被浮生累。深憫藉感君意。多才應惹天
公忌。問胡爲庸庸樗櫟。厄猶如此。造化大權歸二豎。未
許沉痾復起。竟四載把吾兒戲。所喜眼前無俗物。看藥
囊曝處巖花墜。多病也聽之已。

和其年見訪韻

寄跡空山裏。是平生悅幽耽僻由來如此。未老張蒼先
飲乳亦復沾沾自喜。舌尙在齟而脫未。肥馘尙然艱一
嚼噉。名兒讓汝垂青史。向石畔漱吾齒。諸君一棹尋
山寺。且烹泉林間揮塵談空說理。瀑布晴飛三百丈。絕
壁枯藤同倚。問此外干人何事。松舍欲留君共宿。正脚
踟日落陰風起。猛虎嘯君歸矣。

和雪持見訪韻

又送春歸矣。悵林間鶯啼燕掠花殘無幾。一派新篁映
空綠。入夏儘饒幽事。倚傑閣爲之狂喜。誰向此中頻問
訊。只先生身有公無是。山與我頗相似。故人忽到空
齋裏。撥山醅盤餐市遠畧無兼味。俛仰稱公奇跡在。直
欲深參禪理。曳杖看泉飛雲起。莫訝山前群虎踞。料世
途巖險皆然耳。乃所願赤松子。

感舊

人世何常者。記年時綺樓朱戶閒愁難灑。淡雅新粧風

前倚嬌嬈耐人描畫。更一種暗香微瀉。隔着銀牆如天
漢。聽檀槽撥出傷心話。珠十斛是其價。無端惹得心
頭挂。幾多番夢中尋問。鈿車寶馬。芳草茫茫埋香骨。寂
寞水晶簾下。剩壁上秦簫誰把。環珮珊珊知何處。算人
間那許留姑射。今屈指十年也。

壬戌元日疊前韻

舊曆重看者。每驚心。南枝欲放梅風初灑。今歲可能勝
前歲。此事最難摩畫。歎光景如波流瀉。一事無成吾竟
老。數平生多少蹉跎話。真不值一錢價。神仙將相休
繫挂。看從來誰爲得喪。塞翁之馬。逢着良辰無如醉魄。
礪都教銷下。算造化機樞難把。我漸不知人間世。取竹
弓睨鴨方塘射。聊一笑廓如也。

望雲起樓有感疊前韻

恰對南山者。憶當年。坐看雲起桐陰颯灑。鸚鵡杯輕花
罇古。子久富春圖畫。最好是金波光瀉。拉得公榮相對
飲。看玉山頽處掀髯話。聊下箸萬錢價。延陵有劍何
曾挂。算茫茫世間萬事。風檣陣馬。昔日池亭今易主。怕
到舊樊樓下。聽徹夜銀箏笑把。三十餘年如電抹。剩兒
孫敗絮霜飈射。吾倍憶故園也。

送戴蘿軒南歸

孫致彌

共憶江南路。羨朝來梅霖初歇。斑驩先去。笑我渾同春
絮墜。幾度欲飛還住。空夢想碧筩消暑。杯酒英雄閒比
竝。甚而今氣短如兒女。看七首寸心許。蒲帆一葉凌
秋渚。問誰同龍潭邀月。鴛湖聽雨。柳外銀箏花底笛。隨
分憑君教取。向此際能相思否。最苦歡場攙別恨。聽越
吟顛倒成吳語。愁歷亂五絲縷。

荅京少見贈之作

胡亦堂

罨画新詞卷。比花間金荃蘭畹。咀含驅遣。高閣蒼茫憑
眺處。沙草江花淒泣。情不斷纏綿如繭。刻羽引商翻絕
調。探驪珠不屑。隨膚淺。紅牙拍雪兒展。自憐用拙疎
求顯。懶脂韋放情瀟灑。欲圓仍扁。孺子亭前長浪跡。莫
問鬪雞走犬。惟託興言愁未免。無奈祇堪聊怡悅。誦瑤
華三復真謨典。陸離甚瓊雲剪。

乙卯元宵前夕醉後作

毛際可

幾樹梅如霰。喜良朋招邀蠟展。画樓開宴。三五盈盈遲
一夕。未覩姮娥正面。正天際溼雲初捲。湖墅豪華全盛
日。更九微影裏香塵散。角觥戲又重見。嚴城一任催
壺箭。聽佳人歌喉微度。玉簫聲亂。鐵鎖星橋羞舊句。新
唱阿誰花犯。却字字燕嬌鶯倩。忽憶故園烽燧起。對樽
前火樹驚魂斷。沉醉後悲歡變。

送朱文盎歸鴛湖

龔翔麟

最恨秦淮柳。甚今朝征衫纔脫。離筵還又。和露一枝風裏折。送客斜陽時候。計歸路鴛鴦湖口。半幅蒲帆穿疎雨。到門時正見黃花瘦。臨當別進杯酒。昔游歷歷頻回首。憶西窗徵歌醉底。燭懸紅豆。一身短車簾日下。共爾鞭絲先後。都不似這番揮手。惹起閒愁。渾如絮問輕鴻。後夜能傳否。竹垞竹待君久。

題韜荒詞用錫鬯寄武曾韻

沈皞日

問爾何曾醉。有泚翁新詞一卷。白門行李。緘向西窗剪。銀蠟哦盡竹間松際。見落落離情遙寄。史柳辛秦都是好。正不妨筆底空流輩。飄泊也差堪喜。楚江昨歲秋蘭悴。甚浮沉無樓可賦。有裘仍敝。塔影城南遙相望。搔首懷人何已。漫傳與江村諸子。垂柳啼鶯春未老。借酒船撐入秦淮水。鶉聲起且歸矣。

再用前韻酬蘅圃主政

十日留人醉。更招尋春宵秉燭。宴開桃李。記向小橋紅闌外。題徧玉蘭亭際。有多少閒情高寄。白石草窗隨筆硯。是當今風雅輸君輩。將進酒交相喜。春風一笑添憔悴。况年來青衫已破。棕鞋應敝。月轉觚稜殘花落。相對高歌而已。任世上紛紛公子。回首疎籬松菊在。儘濯

纓好問滄浪水。弄柔翰吾衰矣。

寄李分虎江樓合選并繫以詩用錫鬯韻

猶憶柯園醉。正詞場敲壺曼瑟共稱三李。最後相逢把君手。燈火天街煙際。悵別久鴻書誰寄。白袷吟商來木末。問春游句覓周秦輩。憑付與想應喜。護花鈴下鶯聲悴。是城邊紅樓漸冷。錦鞵初敝。綠徧江南相思草。查韜子荒鮑韶清狂而已。又疎雨鄉園梅子。舞竹歌桃人自倦。語歸情沾酒鴛鴦水。更明月滿船矣。

寄西安郡丞譚舟石

沈岸登

朔雁驚飛起。憶前年酒壚擊筑和歌燕市。一自盧溝橋頭別。滿眼斜陽流水。悵去路雲山無際。強欲尋君惟有夢。奈夢魂不度三千里。君憶我定相似。虛慚踪跡天涯寄。但逢迎五陵裘馬。有誰知己。翻羨一官乘邊障。苦愛賓朋文史。况蘆酒卽筒堪醉。燕領書生還未老。拚從軍共作封侯計。帶圍減且休矣。

讀雲臣其年南耕消夏諸詞 吳灏

暑月難消遣。竹林西丁丁子落。夢酣驚轉。七椀攜來銷睡渴。暗送荷香池畔。剛對面闌蘭清遠。殘照當窗雲乍湧。電光浮萬斛珠傾濺。纔浴罷疎星見。乍看新月團於扇。撲流螢輕翻茉莉脂。凝無汗。每憶晚風溪泛好喜。

縱一葦乘便聽夜漏。又將過半。閒話水天。忘暑氣展瓊
璣。一霎煙雲捲。如飲我清涼散。

元夕讌張氏宅觀燈

金 煊

元夜笙歌按玉堂。高華燈交射。初開佳宴。綵結鰲山。燃
豹髓。火鳳金羊爭豔。盡道是侯家新見。簷角梅花風乍
入。恍星搖電。徙雙眸眩。齊掩映。絳河淺。西園公子柑
傳徧。看此會酒酣耳熱。觥籌錯亂。蜜淚寒榮。頻飄墜。尚
勸香浮玉碗。更誰念月如歌扇。五夜金吾曾不禁。任主
人送客。留髡倦。且莫問。麝譙箭。

贈京少卽和集中滕王閣韻

葉 藩

憶別章江渚。問當年滕王遺蹟。風流何處。正向秋空搔
短鬢。忽墮錦囊佳句。彷彿見雲蒸霞舉。絲管繽紛經遊
遍。羨留題名勝。多如許。頻擊節。重延佇。鄱湖折瀉。通
荆楚。嘆新來烽橫戰壘。夜驚桴鼓。南浦西山。渾未改。藉
有文章足據。君豈與庸庸爲伍。一上危亭。歌水調。執袁
綯。拍板曾同譜。思往事。不堪數。

偕曹侍郎過項園看牡丹

李聖芝

雲樹迷春野。耐柔腸。支吾詩酒。又逢初夏。吾輩棲遲。猶
不字。笑此花枝欲嫁。便一望風光如畫。未免天涯增感
慨。况臨邛游倦。無車馬。青衫淚斜陽下。人間豈有魚

龍化。但相逢悲歌一醉送春歸也。無限江南王謝恨。奈此烏衣亭榭。歎晝永心如長夜。酒半高樓聞弄笛。念漂零我是無家者。茫茫事匆匆話。

過天壽山

張綱孫

白滿天山路。試衝寒馬蹄朝發。水花飛舞。望裏千峰多似簇。一帶紅牆深護。多應是一坏陵土。古殿虛無人不到。有苔痕繡滿椒香柱。荆棘裏斷碑仆。當時守衛多軍伍。到今來悲風輦道寒煙淒楚。只恐夜臺無曉日。燒盡漆燈仍暮。又誰把玉魚偷取。石獸如雲成對立。看般般牙爪猶威武。荒坎內野狐語。

秋日感舊

陳履端

黃葉飄香砌。壞欄邊凝情側帽細思前事。王謝當年人爭羨。一帶朱門綠水。有無數蟬鈿香翠。座客風流皆江左。醉高歌戲擊珊瑚碎。長夜飲花難睡。而今忽墮如鉛淚。悵亭臺金消粉黦荒寒無比。惟有樓前青山好。還學回睂擁髻。更幾樹亂楓如醉。僕本情深長有恨。倚西風一望今如此。誰會我繞廊意。

壬戌端午追和劉後邨韻

蔣景祁

榴蹙紅巾吐。灑微涼鏤塵香雨。六街無暑。一樣鄉園女兒節。飛上燕釵繭虎。只極目南雲難渡。倚醉玉河橋上。

望森銀潢幾疊迎神鼓。魚龍戲雜採舞。陡然魄石洗
如許。笑何爲受人杯炙。戀人臞醜。不盡王孫芳草。怨萬
事渺於銖黍。且說與靈均毋怒。一卷離騷。須痛飲。奈酒
醒又怕情懷苦。土花澁苔錢古。

送杳朗山遊黔

銀燭青煙吐。望關城明星欲落。一鞭衝暑。彩筆今攜盤
江上。繡盡鬢龍螭虎。便瘴雨腥雲飛渡。爲語夜郎休自
大。憶西風獵獵鳴笳鼓。饒歌賽蠻簫舞。東陽瘦沈襟
期許。且拋將旗亭顧曲。酒壚澆醕。歎息滄桑成遷改。依
舊高低禾黍。流不盡洞庭波怒。拂路刺桐花發早。料鷓

鴝啼破空山苦。黃陵月照千古。

時朗山應沈瞿庵編脩之請

送宋山言歸商丘

柳暗金絲吐。正趨庭荷風扇雨。簟涼無暑。歸路睢陽投
涿鹿。豔說才人繡虎。恰潮急沉沉官渡。彌望綠陰縈曉
騎。拂殘星數遍嚴城鼓。鞭梢掠野花舞。宋州小宋真
堪許。據詞壇執他牛耳。酌他清醕。此去逢迎風味好。省
憶丈人雞黍。聊試借文章嬉怒。我夢游梁。今未得向中
原往事。憑陵苦。留此意待終古。

端陽後四日檢迦陵遺集有感

絲盡春蠶吐。檢遺編其人斯在。疾風吹暑。零亂瑤華詩

千卷只少獅兒似虎。論此恨。茫茫難渡。絕調廣陵人解
否。怕傷情。莫再冰絃鼓。鐵馬暗簷前舞。君才福報今
如許。未爭差。玉堂支俸。天厨酌醕。火浣奴衣。何堪羨負
郭田荒穰黍。一笑耳。掀髯毋怒。蠹簡流傳。人腹痛。料夜
臺李白差無苦。傷往事。摠成古。其年先有子
名獅兒早亾

送莊社如還雲間同大雅堂諸子用江湖載酒

詞韻

楓葉沾霜醉。正蕭蕭。桑乾西度。一鞭行李。情盡橋邊銷
魂樹。人又銷魂之際。憶數月萍踪同寄。他日相逢誰車
笠。笑世間齷齪。非吾輩。黯然別色。然喜。相如客久今
憔悴。典鵝裘。自言願補。黑衣之敝。負郭田荒。無人問空
有壯心難已。幾得遇西園公子。君去季鷹歸興。好對春
申浦口吟秋水。漁唱晚放船矣。

瑶華集卷十九

摸魚兒

四十四首

子夜歌

一首

夏雲峰

二首

金明池

六首

笛家

三首

綠頭鴨

一首

畫屏秋色

一首

春風嫵娜

二首

白苧

二首

十二時

三首

蘭陵王

九首

摸魚兒

米山堂觀劇

曹溶

剪濃陰雨餘池館飛花正點瓊甃龍眠愛寫西園集不

念客窗人瘦。遊馬驟。仗好鳥啼開三徑。苔錢繡。低回畫
漏。恰翠煖。瓊輪丹浮琥珀屏。側燼香獸。征衫袖。情淚
年年浥透。傷離便合相就。教坊樂部何哉。在料理記歌
紅豆。聊訪舊。是手解金龜。投老家山後。東方射覆。識歡
伯藏春。柔鄉銷夜。中有兩眉皺。

送春

宋徵輿

只今朝送春歸處。是飛絮飛花路。長亭古道行人意。并
向斜陽煙霧。春果暮。君不見東風日日搖芳樹。留伊不
住。似千尺清波。輕舟一葉。夜載片帆去。蕭條也惟有
梨花相對。那堪幾度風雨。無聊獨把雕闌倚。疊却春衫
無數。休回顧。君不見落紅萬點皆塵土。憶春不語。長歎
繞空梁。呢喃燕子。似把舊愁訴。

夏夕同郎晉颺飲商霖宅

沈謙

愛涼風。雨聲攔截。披襟對坐林樾。倚亭况有蕭蕭竹。煙
裏海榴如血。壺漫挈。銀燭下。玉盤瓜果堆紅雪。蟬聲帶
咽。恁蕭瑟。如秋垂垂珠露。何處有炎熱。無窮事。准擬
樽前訴說。欲言又恐悽切。魚腸屈作同心結。安得盡交
英傑。誰最劣。君不見景升兒子。皆煙滅。悲歌未闕。人醉
月西傾。客中多是。深夜聽啼鳩。

秋感

萬錦雯

正淒涼。又逢秋晚。青青是處消豔。荒齋寥落無人問。惟有衰楊風颭。門半掩。但見有黃昏。幾陣歸鴉點。愁如酒釀。更唧唧蟲聲。熒熒燈影。相伴一書劍。浮生事。自覺塵勞久厭。還同舊日寒儉。釣船不近西溪冷。空負故鄉菱芡。深自念。怕三逕歸來。都被蓬篙占。年華荏苒。要插竹成陰。種桃結子。兩鬢已霜染。

秋岳先生招集米山堂

陸進

夏初臨。一番風景。庭前小燕輕舞。滿懷憐惜。君拋謝那。忍獨居蓬戶。逢勝侶。爭指向茂林脩竹。相容與。科頭箕踞。看竟日揮毫練裙。書徧盡是殢情句。杯頻勸。真覺風流豪舉。座中渾恣賓主。東山絲管遊行好。更到西陵來住。思往古。原只有傾城名士。堪朝暮。樽壘無數。拚沉醉。如泥枝頭月上。莫漫說歸去。

咏金鯽

錢芳標

小池塘。鴨頭新綠。鰓脂千片。誰染錦鱗。朱鬣輕盈。影倚暖冰紋。雕檻波激濫。切莫把荷錢。荇帶參差掩。日低煙淡。向紅板橋邊。絳桃樹底。相間落花點。無端是簾額。微風乍颭。淺牀幾隊。驚閃緘書。換酒知休矣。穩取柔綸收斂。調粉糝。啞喋處。石稜半寸潮痕淺。齊統湘簟。惹一笑櫻唇。雙臨茜袖。數罷更回臉。

咏鴨

朱彝尊

任方塘群游孤汎愛他不染泥滓。避人纔見驚飛去。又
早紛紛低墜。堪妬是。曾消受。夜深每竝鴛鴦翅。竹弓漫
試。對黑白分明。欄邊鬪罷。芳草一茸翠。揚瀾好。兩漿
吳船小嘴。采蓮人。弄煙水。晚來笑把紅裙裏。觸損冷花
濃藥。歸也未。正一色秋江濼濼波千里。移來簾底。鑄就
小爐熏屏幃。深處長。傍繡衾睡。

白桃葉渡汎舟暮抵浦口雨宿村店漫賦

憶歸時。白門楊柳吹花糝。滿香徑。重來化作青萍葉。宛
似客游無定。呼小艇。擬有分桃根。桃葉行相竝。雲廊藻
井。枉費却。臨流紅闌千百。不見玉人凭。西郊路十里
柔波如鏡。石城高下殘景。江豚多事。頻吹浪。只怕落潮
風猛。斜又整。信一葉舟輕。幾幅蒲帆逞。人家煙暝。傍惡
雨長。蘆昏鐘石岸。漁火隔窗冷。

無題

粉牆青蚪檐百尺。一條天色催暮。洛妃偶值無人見。相
送襪塵微步。教且住。攜玉手。潛行莫惹冰苔仆。芳心暗
許。認香霧鬢邊。好風衣上。分付斷魂語。雙棲燕。歲歲
紗窗飛度。阿誰花底催去。十年鏡裏樊川雪。空裊茶煙
千縷。離夢苦。渾不省。鎖香金篋歸何處。小池枯樹。算只

有當時一九冷月猶照夜深路。

咏樵李

錦淙鳴行厨竹裏玉盤寒水初注。未須紫柰黃瓜伴。早
釋人間煩暑。名最古。記轍跡東西魯。叟曾書汝。吳洲越
渚。傍折戟沙邊芳根蟠後。幾溼戰場雨。房陵種三十
六園佳樹也。愁聲價輸與。西施過此應留。一縷纖痕
畱取。小摘許。慎莫被來禽偷眼銜將去。薰風且住。漫染
就輕黃。青青攜付乞巧小兒女。

題其年填詞圖小像

擅詞壇飛揚跋扈前身。可是青兕風煙一壑家。陽羨最
好竹山鄉里。攜硯几。坐罨画溪陰。裊裊珠藤翠。人生快
意。但紫笋烹泉。銀箏侑酒。此外總閒事。空中語。想出
空中姝麗圖來。菱角雙髻。樂章琴趣。三千調。作者古今
能幾。團扇底也。直得尊前記曲呼娘子。旗亭藥市。聽江
北江南歌塵到處。柳下井華水。

咏窩絲糖和其年韻

汪懋麟

問東華當年膳部於今。食品誰理。餽餽糗糒。金盤供羊
棗。依稀同嗜。新豐市。空零落一匙社飯。春風底。物猶如
此。感頭白厨人。窩兒舊式。味與蔗糖齒。輕拈出萬縷
冰絲。誰記肯教方法。偷製。試看顆顆團成處。想像烏雲

髻子。誰相似。似寒具。油酥纏臂。黃金荔。閒情佚事。須曝
日漿翁夢春餅媪。一一話來細。

過中後所有感

吳儀一

海鷺啼朱橋斷處。陰陰半壁斜照。不知何代侯王家。翠
石摧殘雙表。飛檄到。曾記得。昆池雲黑鯨魚攪。秦關一
道。問誰借花門。翻身負弩。又過水西徼。麻姑淺幾見
草間竊號。有情天亦難老。舊營舞女。今存否。應悔降旗
不早。蝸自鬧。只可惜。滄江流血無時了。行人漸少。看雨
洗黃沙。玉魚零擲荒坎野狐嘯。

題毛會侯戴笠垂竿圖

高層雲

訝娥江綠掾千頃。吳綃幾尺。誰譜煙條。故踈斜汀外。半
拂紫稍柔艣。風欲度。挂三扇。低篷寫影。眠鷗路。晚來佳
處。正野漲平橋。輕策小笠。漠漠一谿雨。家長泖我亦
煙波舊侶。投竿當日。情緒酒徒。盡覓封侯去。漫向軟塵
羈旅。商去在。趁春水。桃花倚艣。當沙激。逢君何許。但茶
竈香籠釣筒詩卷。相對鏡中語。

蓴

憶西風晚煙吹徹。愛看紺玉千頃。釵莖鈿葉沉雲細。涼
浸一奩秋影。牽露梗。傍雁齒紅橋斷處。維雙艇。瓊酥滿
甌。也應笑髯蘇。水盤鱸。藿卵椀。試槐餅。山園好。池上

幾回醉醒。筠筐碧脆誰竝。只今苦被浮名縉。付與閒鷗
管領。還自省。真負却思鱸小巷。開三徑。歸期重訂。向綠
葦斜汀。點烹玉糝。越女素尖冷。

無題

鈕琇

過桃花水痕初漲。吳天遙寫晴鏡。生如釵股浮青出。鳧
葉暮波常淨。煙路迴。更荇帶荷錢接。疊還相映。香寒色
瑩。喜犀筋凝脂。磁甌泛玉。鹽豉點偏勝。紅塵事。莫教
秋來未醒。當時鱸美誰竝。歸心一夕愁波起。貯得幾絲
清冷。應猛省。是到處西風堪動扁舟興。鷗飛鷺暝。想千
里茫茫。高人獨去。翠剪半江影。

拜墓

曹貞吉

幾年來。西州拜掃。羊曇傷盡懷抱。心驚寒食棠梨雨。又
是黏天衰草。尋壞道。知多少。飛鳥銜紙青山繞。頽垣桑
棗。算只有牛羊。日斜來下。拍手小兒笑。千秋事。誰定
榮華壽考。北邙松栢多了。豐碑矗矗崢嶸處。一樣西風
憑弔。吟望好。君不見玉泉流水濺濺到。單衫破帽。眺城
角殘霞打頭敗葉。簌簌一林悄。

西直門外作

北邙邊。高低丘壠縱橫。無數羊虎。玉魚金椀。何時墓文。
見斷碑如礎。魂自語。須認取文章功業。難憑憑據。白楊老

樹戰一片秋聲向人頭上颯颯作涼雨。西州路敗笠
青衫羈旅。緇塵撲面來去。黃蘆苦竹千秋恨都付紙錢
飛處。天已暮。想入夜雲旗風馬精靈度。荒涼三戶共塚
上狐狸山中木客同結歲寒侶。

記漁人語

萬樹

被提壺勸人沽酒行來紅杏深處。黃公壚畔青衫典座
有綠簑漁父。相問取。但遙指儂家罨畫溪邊住。攜妻共
女刺一葉蜻蛉網來銀鱖和浪帶煙煮。長堤外何處
離旗画鼓。將軍有力如虎。翁言不似漁家樂。睡足柳煙
蘋雨。聽杜宇。又早已聲聲喚取春歸去。人生似旅。幸一
醉埋愁。今朝邂逅聞此達人語。

和其年清明悼徐郎

史鑑宗

正愁人。梨花絲雨釀來春恨如醉。玉鈎何處消魂曲長
笛一聲吹碎。燈下淚。都化作落紅點點風前墜。這番憔悴。
向斜日荒原。一坏馬鬣杜宇數聲裏。當年會楊柳
曉風情味。煙江縹緲無際。玉笙指冷春寒夜。此意只君
應記。君去矣。空剩得驪珠一串梁塵內。招魂無計。看燕
燕鶯鶯朝朝暮暮。夢繞亂山翠。

前題

儲貞慶

悵風流玲瓏在否。廣陵遺散終絕。荒山野徑埋年少。恰

是清明時節。風雨烈。渾不見。當筵對酒。歌喉咽。雲穿石裂。歎羅綺。灰飛管絃塵泥。誰譜舊歌闕。江南岸。有約輕橈。夜渡十年舊事。空說看山海。外從遊者。一樣雲隨煙滅。腸寸結。還恐是海棠血。灑梨花雪。青枝早折。但轉眼經年。柳郎原上。春又過寒食。

前題

史惟圓

正堪憐。画橋煙柳。風流暗想如許。歌喉長憶。當筵逞淪落。今歸黃土。江上路。空望斷。杜鵑聲裏無歸處。怨春無主任。無賴東風。幾番作惡。零亂捲飛絮。思前事。攜手長堤日暮。曲終人醉。南浦梨花。昨夜枝頭好。還似掌中相覷。寒食雨。只落得。孤墳夜掩青松樹。舞衫拋去。領幾隊笙歌。夜臺供奉。猶唱斷腸句。

春雪初霽夜答其年

問東風。剛來幾日。夫公又逞玉戲。瓊瑤堆積。無人掃。更放月輪低墜。風景媚。更添却一叢豔粉。梅梢綴。冷光滿地。想髯客豪吟。糟牀初壓。今夜共誰醉。休浪語。此際江波如沸。漁磯猶穩春睡。山家漸次鶯花好。打疊閒愁迴避。無限事。都付與。紗窗夜落銀燈穗。晨釭又起。莫漫度春宵。請君試看。林下美人意。

春夜哭遠公

數年來。味花題柳。青堂佳致如許。阿咸伴我林中醉。只道此生常聚。攜手處。還惆悵。長繩難繫斜陽住。君今已去。正屋角啼鴉。樓頭過雁。撲面冷風雨。空相憶。一局殘碁日暮。花間惜別。何遽屢經門巷。頻嗚咽。幾點落梅如故。薤上露。消受得。寒官薄祿清齋苦。問天無語。此恨總難消。窗前堦下。應種白楊樹。

客夜有懷

姚景崇

聽蕭蕭。一宵秋雨。井梧聲遞。庭院孤燈。黯淡明還滅。引動旅愁千轉。思量遍。更說甚。香攜滿袖。南薰殿。長安近。遠漫屈指。程途蒼茫。煙水依約。夢魂現。猛回首。嘹唳南飛征雁。多應惜我。歸晚。峻嶒傲骨。原如故。添得淒清無限。渾難遣。問何日。輕衫匹馬。隨書劍。殘更點點。正宿酒初醒。披衣強起。又是曉鐘斷。

雪中過曹正子次韻

吳雯

雪初飛。林塘竹樹。榼槎秃尾。銀鳳紙窗。活火茶煙。繞那管外。邊寒重。書塞棟。喜更有。貂幃犀押。珊瑚控。塤篪伯仲。况千里剛來。天涯一笑。且摘紫髯凍。玉龍吼。輦下雙成。嬌董藕絲。何用尋孔。但憑鱗甲。漫天舞。正好供吾飛動。綿竹頌。恰羔雁。方將杞梓。榘栴貢。金蓮地湧。却結想。龍華游。思鵬運。曼玉破塵夢。

蓴

毛奇齡

但秋風有誰還憶夏瓜冬菜春韭。兒家在近橫塘曲長
在柳姑廟後。相邀取借鄰女花竿挑起紅絲瀏。摘來盈
缶。任九月豬毛百莖雉尾總貫一壺酒。晶瀲甚慢說
白如瓊玖。下將鹽豉烹就。鈿頭釵脚難形似。只顧流匙
在口。還念否。料拾膾分鯖未是和羹手。躊躇良久。便羊
酪能勝龍酥堪敵歸去也何有。

前題

李良年

記年時千絲紫釜。名泉催汲寒溜。紅尖細糝花菱滑竹
下厨煙清晝。鹽下後問此味雲間小陸還知否。酪漿枉
鬪。但酥樣釵莖難黏雙筋說甚剪菘韭。家山遠鏡面
拖藍依舊。浮名何似杯酒。木蘭艇子牽情處。摘得滿籠
消受。秋八九。又不比春三二月青青候。書傳素手。道越
客遲歸。吳鮮蚤賣輸與釣魚叟。

春雨

沈岸登

但庭前棟花風過疎疎零落堦砌。朝雲未破重幃夢故
作廉纖天氣。春去矣。拚滿眼紅酣綠唾留無計。踏青會
幾。自挑菜歸來。湔裙去後鎮日小門閉。更慵把鏡檻
簾鈎挂起。淒迷還亂人意。無邊煙草天涯路。迷却狂夫
歸騎。最恨是。辜負了雙鬟小鳳釵頭膩。誰憐不寐。任午

簾將愁夜篝做冷。聽到打牕細。

味樵李和竹垞韻

沈皞日

向金陀濃陰曲院盤中清露猶注。主人體物先投客。早是玉壺無暑。精舍古。自夢杏藤墻幾度能逢汝。白沙翠渚。記步履春風。穠花綰夜。吹落半庭雨。酒酣矣。洗醖開簾就樹。小冠欹側容與。翾飛楚雀啣殘後。那得筠籠攜取。嚼少許。算纖核難鑽也。易分裁去。停杯此住。想幾日湖南低枝小摘。齒軟越溪女。

蓴

向南塘香吹魚浪。麴塵不染深碧。西泠短艇紅橋曲。隔浦斜陽漁笛。潭影織。見羅袖輕籠素腕全無力。倚舷欲摘。似半折瑤簪。淡黃嫩紫。入手膩無迹。疎蘋外還是去年記得。汀煙滿目狼藉。絲絲越女分千縷。歸路月華初白。炊火覓。費幾許春纖薑桂調羹夕。砧聲獨客。念楓冷江鄉。秋風起後。多少在京國。

立夏日有感

乍清和。山城飄泊客中驚。換時序。故園茅屋茶煙起。梅子櫻桃堪數。曾幾度。又脫我春衫。冷却圍棋墅。無端此住。問苦菜王瓜。螻蛄徹夜。誰共一燈語。斜陽外。皖口潮聲如許。正當雙槳飛去。閒鷗兩兩波心坐。夢裏美人

辛苦邀笛步。好買箇輕舟東下。京江渡。柘西歸路。有蠶浴桑雲。蟻浮松釀。臥聽刺桐雨。

舟中讀雪客黎莊詞

向蒲帆吟殘一卷夕陽。肯放西去。烏衣當日風流甚。翡翠筆牀矜許。舞白紵。有秋水閒情更唱黎莊暮。輸他縷縷。是嚼蕊吹香。梅邊酒醒。人在繡簾語。碧桃下門掩煙波別墅。小樓常對紅雨。分曹隔坐屏風底。非雪非花新句。漁笛譜。試付與樽前髣髴。蒼洲住。青山無數。認紙上霞飛。江間墨漬。兩兩伴愁處。

題徐電發楓江漁父圖

陳維崧

問何人生綃滑笏。皴來寂歷如許。孤篷幾扇西風底。滴盡五湖疎雨。垂弱縷。儘水蔓江蒨。信意牽他住。寄聲魴鱖。總來固欣然。去還可喜。知我者鷗鷺。行藏事。不是如今纔悟。浮名休再相誤。人間多少金貂客。輸却綠簑漁父。誰喚渡。早萬木酣霜紅到。消魂處。湛湛楓樹。又遙襯蘆花。搖晴織暝。鬧了半汀絮。

咏窩絲糖

糖出大內遺製。今西山一老中監尚能爲之後。恐遂失傳矣。

裊春燈。赤瑛盤內。絲絲縷縷。難理平生說。餅題糕興。慣與群兒爭嗜。銅駝市。曾趁徧賣。餚小擔。簫聲底。何曾見此。總輸與筵前。輕鬆纖軟。弱雪不勝齒。摩抄罷。髣髴

夢華小記。依稀南內遺製。當初赭帕低籠處。分賜龍孫
鳳子。今何似。似宋嫂魚羹。又似楊妃荔。天家往事。也不
信宮娥。曉寒呵手。搓得恁般細。

答沈融谷

周在浚

綠陰濃。凭闌獨眺。犇濤渺渺東去。白蘋洲畔。閒鷗鷺。消
受日長如許。看漚苧。恰正見夕陽未暝。山先暮。晴絲縷
縷。更簾透餘香。花畱殘蕊。小燕學人語。江樓小。脩竹
疎桐盈墅。碧天又送愁雨。柘西精舍。知何似。高唱如簧
新句。休按譜。但醉裏狂歌。直欲畱君住。歸程漫數。便桃
葉停橈。青溪吹笛。都是繫情處。

春江送客

龔翔麟

悵西風。青簾白舫。橫河催散瑤席。桐陰小閣。飛觴罷冷
却。玉玲瓏石。纔幾日。便九十韶光早。又過寒食。家園春
色。定砌綻丹芽。徑抽碧笋。稚蝶采香溼。秦淮柳。慣折
柔條千尺。斜陽送盡行客。獨憐歸計。偏遲暮。空羨渡江
飛鷁。津鼓急。算此去鷗波。直向樟亭北。沉吟望極。但有
夢來尋梨花。硯雨齋在小山側。

雨中飲遡園

周福柱

恠連朝。鯉魚風驟。天公做弄何故。城南園子。師門接少
箇。扁舟呼渡。當昨暮。曾記得亭邊。隨意花鬢數。嘉招不

誤。有山屐荷衣筍堯竹傘來往雨中路。欄委折靜對
芙蓉淺渚。閒盟儘共鷗鷺。紙窗矮屋安排好。愛放溫茶
香樹。逢舊侶。拚壓倒填詞三變柔情句。硯邊小住。看鳳
蠟燒燈。烏銀作梳。相勸此宵聚。

無題

李符

葯房深鄰娃學繡。綵綳杏軸初展。橫枝待補雙棲鳥。拈
起翠鍼情倦。曾瞥見。早避入金鵝屏背。藏嬌面。雕鏤架
淺。遮不住全身。画裙拖處藕覆露猩點。長廊靜。花漏
殘陽一綫。迴闌十二行。徧緋桃徑窄無人過。芳意都含
斜眄。羅袖茜。恠雙斂低垂未易擡香腕。紅薔刺骨。試說
與雲鬆。賺伊將手扶起髻釵燕。

又

板橋東。歌撓泛渚。綠楊堤畔相遇。目招暗約昏黃後。家
近酒帘青處。隨夢雨。從未識。牆陰別有偷香路。隔窗私
語。道銀箭初傳。蘭燈猶在。且避小兒女。鴛幃裏。一霎
荒雞啼曙。別時苔井凝露。重來不見桃花靨。爲有画眉
人住。春又暮。恁夜夜獸環魚鑰。扃朱戶。冷雲遮樹。算只
有粧樓。一雙越燕飛。傍鏡奩去。

讀史

龔勝玉

檢芸編幾行。青史閉門消盡秋雨。江山零落如殘奕。付

與漁樵共語。評跋處有多少英雄割據爭龍虎。煙飛雲
聚。算繡嶺宮前。延秋門外。往事若朝露。思往事。減得
愁懷幾許。紛紛成敗。休訴。橫戈躍馬。今安在。摠被大江
流去。歸何所。君不見北邙高臥麒麟墓。君須記取。看誰
是誰。非低回掩卷。一醉論今古。

感舊

曹亮武

怕東風。惹人腸斷。瘦紅肥綠。時節小樓。昔日凝粧處。縱
有花枝。誰折。看兒撮空。記取垂楊院落。朦朧月。香殘粉
滅。剩壁上鸞箋。奩中鳳翠。幽恨怎銷歇。十年事。梁燕
至今能說。繁絃聽罷。悽絕。明妃偏向燕支嫁。天把紅顏
埋沒。魂恍惚。難訴盡當初。花底輕離別。画图頻揭。悵弱
影亭亭。竟隨春去。杜宇爲啼血。

賦萼

吳滌

趁西風。芰荷斜卷。冰絲晴漾。清影吳中。昨夜人初到。傳
道碧芽如瑩。淒涼性。愛一縷。纖纖乍漬。霜痕淨。煙浮半
頃。悵滋味。家常鄉園。夢隔李子呼歸艇。芳洲畔。一樣
波明似鏡。孤懷千里。重醒鱸腮。剖罷羹調美。又是豉鹽
香凝。江湖競。嘆玉筍。愁多酪乳。誰爭勝。凭闌暗省。有幾
樹丹楓。兩行新雁。來與寫秋興。

清明雨傷逝

陳枋

遠冥濛濃陰似幕四垂天色難曉攔街撲面桃花片路上行人少楊巷悄聽不出年辰飴擔吹簫好憑闌欲眺奈西北樓高東南風颯一桁柳絲裊驚心處極望墓田山繞暗傷客裏懷抱思量玉女潭邊路祝英臺畔人杳寒食了料只有羅裙蛺蝶迷煙草松門掩早想一曲吳娘瀟瀟暮雨唱入古墳調

子夜歌

咏熏爐限韻

蔣景祁

鴨闌前洗妝乍歇寒色又將催暮理簫局餘香尙裊依舊夜情如霧添注水沉翻來銀葉煖玉花生露奈韓郎別後相思幾許斷魂長是繡屏偎炷驗心字銷沈篋底漫漶不堪重語出入懷中料伊還伴寂寞紗窗雨念鴛鴦枕遠淒涼此意誰吐湘竹簾深鬱金牀冷似夢飛千縷待何時更蒸蘭膏芳春暗度

夏雲峰

晚登南樓觀雲作

沈謙

水遠帆低山園樹合雲起小樓日暮驚天矯青鸞竝下愛綽約縫蓮斜吐更重重蘊火含煙似欲借回風亂燒平楚問何處陽臺連朝傍晚幽期宋玉曾賦香閣深溪看不見况頃刻冥濛竟迷江路停杯望一心輾轉垂

帶坐雙眸凝注。總莫恁換狗更衣。却全似伊行言語無據。就倚徧闌干。輕陰不散。又作半天疎雨。

遠庵攜秋岳先生新詞奉柬

陳維崧

夾岸輕陰滿塘。細雨惹得亂帆堆綠。片石上千場簫鼓。高臺後幾番麋鹿。記臯橋近泰娘家。恰梔子將開枇杷初熟。只白髮江潭。東京遺老。傷心南朝豔曲。近日征南軍馬盛。料不比當年家家絲竹。水驛閉龍舟。誰競煙舫歇。蓮歌莫續。想連天森森長洲。儘野鳥頻啼。沙鷗輕浴。且載得金荃。攜將蘭畹歸。當忘憂小錄。

金明池

秣陵懷古

魏允枬

燕子磯邊鳳凰山。上文是狂風驟雨。蘭麝香玉階金砌。儘燕麥兔葵滿路。問秦淮桂楫蘭橈。却只有衰草垂垂。將暮。歎絳闕蛛縈。紗窗塵積。一任晚鴉來去。王謝風流。想何處。便紫燕黃鶯。一時無主。看當日詞臣狎客。空剩得白楊黃土。最傷心景物。三春教苑裏。蛙聲公私相訴。但渡口寒煙亭中皓月。猶是依依芳樹。

前題

艾丹生

斷雁西風瘦。驢黃葉。又是關門日暮。仙梵度清涼山寺。對鳳闕絳雲留處。見長干寶塔。翬飛總閱盡天界。茫茫

塵土任沾酒南岡。壚頭人老莫問少年歸去。裙屐風流歎如許。便画箇薰衣擁囊揮塵。倚司馬長城却敵空剩得春燈燕語。再休言六代繁華與半壁乾坤。殘棋孤注。想虎踞龍蟠江山形勢都付冷煙疎雨。

前題

沈雄

山上圍棋渡頭麾扇。那怯寒潮夜雨。重借問繁華六代。又荒堞斷碑如許。願官家世世生來莫應似衰草斜陽垂暮。歎幕府頻移鑿輿潛幸。一任晚風吹去。江左夷吾在何處。便星散雲馳。此身無主。問滿目虎旅。鴛行還講得舊時門戶。最傷心煙柳臺城儘巷口烏衣與亾難訴。但萬里長江未銷離恨。一派濤聲猶怒。

咏茉莉

史惟圓

嶺外幽香移來江左。姿韻天然雅素。紅日未薰風輕扇似冰玉不畏炎暑。漸黃昏月隱紗幮。偏只到枕上屏開香聚。看爛若堆銀皎如凝雪。蟬髻枝枝嬌嬈。天上素娥凌空度。想墮粉遺鉛不教塵污。結伴有蘭姨瓊姊歸路在玉峰瑤圃。向人間逞弄妖姿。却散滿清芬伴君吟苦。試攜取香甌貯將茗椀共爾夜深低語。

經城中故居

錢芳標

葵井鷓啼棘祠麗拱道是羅合故宅。馬矢外頽垣臥礎。

縱社日歸燕難識。歎飄零九髻玉郎。今已作朱雀橋邊
行客。任牧豎腰鎌健兒。橫稍莫問劫灰消息。猶記承
平爲懽日。接北里南鄰。染園梓澤。朱樓接鈿蟬銀甲碧
檻。瞰銅駝綺陌。乍毛人夜泣。城頭便樹古池平。燐青月
黑。似華表仙成。槐安夢醒。一局爛柯踪跡。

燕京歲暮懷古和申隨叔

朱彝尊

西苑粧樓南城獵騎。幾處笳吹蘆葉。孤島外生煙夕照
對千里萬里積雪。更誰來擊筑高陽。但滿眼花豹明駝
相接。剩夜火樓桑。秋塵石鼓陌上行人空說。戰鬪漁
陽何曾歇。笑古往今來浪傳豪傑。綠頭鴨悲吟乍了。白
翎雀醉歌還闕。數燕雲十六神州有多少。園陵頽垣斷
碣。正石馬嘶殘。金仙淚盡。古水荒溝寒月。

笛家

題趙子固画水墨水仙

朱彝尊

亾國春風。故宮鉛水。空餘芳草。冷花開偏江南岸。王孫
老矣。文采風流。墨池筆媚。淚痕都染。帝子含顰。洛靈微
步。宛在中洲半。悵騷人。未經佩徒。菽楚英九畹。繚亂
一叢寒碧。生煙疎雨。隨意欹斜。鵝絹蟬紗。寄情悽惋。尙
想白石蘭亭遺事。逸興千秋如見。豈似吳興君家承旨
蕃馬風塵滿。縱自署水晶宮。怕有鷗波難浣。

九日和其年

曹貞吉

黃菊浮觴紫萸盈把露涼風細匆匆早是秋將暮天街
如蟻燕尾鬟鬆卓金車響紛紛兒女剪綵旗旛花糕擔
子知送誰家去葉爭飛雁初緊只少滿城風雨情緒
不堪搖落龍山戲馬何處追遊破帽單衫一襟塵土試
問故國荒涼宅榭草長欲齊階否深巷人歸華堂客醉
作陣鳴腰鼓聊送日夕陽邊惟見碧雲千縷

渡揚子

金 烜

沙草拖青汀蘆凝白秋江波靜扁舟擊楫中流半兼天
水勢動地濤聲荆吳九派人家兩岸西接南徐東連北
固一片征帆亂佛狸祠武帝宅不禁感傷目斷望遠
秣陵形勝金山落日瓜步州前鐵甕悲風石頭城畔回
思昔日雄姿英發都做浪飛蓬轉六代鶯花繁華佳麗
多少浮雲幻空極目對蒼茫早聽雁行聲喚

綠頭鴨

題葉

賀 裳

遶芳堤試細覓前宵題葉恐還飄泊沙頭怕饑鱗咬傷
花格愁浴鷺打滅銀鈎萍葉遮藏荇絲牽住幾椿都撓
亂心頭閒尋徧雙鴛沾溼影迹難求倩誰收画橋西
去銀濤遙織千艘莫相隨漁郎短棹休誤逐估客扁舟

忽望見亂紅數點。風約各迴流。錦石頻拋釣絲輕惹。條
時傍岸却相投。親拾看誰家蕩子。彩筆賡酬。

画屏秋色

九日姑蘇城上作

徐鉉

鶴市登高日。舒倦眼。萬疊青山攢碧。天外歸帆。天際歸
雲。斷橋人寂。花草記吳宮。但野燒荒原堆積。且放却登
山屐。聽城內哀笳。城邊画角。無數通侯高第。建牙列戟。
追昔可勝悽惻。麋鹿散蒼茫無極。闔閭基址。淮張宮
殿。頓成遺迹。欹帽戰西風。憑闌淚溼窮途客。短髮蕭絲
撼撼。諸事總飄零。只有清江過雁。淒斷高樓顏色。

春風裊娜

游絲

朱彝尊

倩東君着力繫住韶華。穿小徑漾晴沙。正陰雲籠日。難
尋野馬。輕颺染草。細結秋蛇。燕蹴還低鶯銜。忽溜惹却
黃鬚無數花。縱許悠揚度。朱戶終愁人影。隔窗紗。惆
悵謝娘池閣。湘簾乍捲。凝斜眄。近拂簷牙。疎籬罨短垣。
遮微風。別院明月誰家。紅袖招時。偏隨羅扇。玉鞭裊處。
又逐香車。休憎輕薄笑。多情似我。春心不定。飛夢天涯。

暮春汪悔齋蛟門東川招集

丁焯

正泥融乳燕。柳暗啼鶯。酥雨潤棟風清。恰雙江鷁首征

帆欲指三珠堂上折東相迎。佩贈將離酒。酷桑落勸盡。金尊唱渭城。懊惱桃花潭水淺。多君千尺是深情。此去長安漸遠。燕雲薊樹舊遊。夢迴首堪驚。燃藜閣草玄亭。歌詞錦瑟何處重聽。十載神交。新知莫樂。一官竟出別思旋生。關心萬事。最魂銷腸斷。落花時節。春草王程。

白苧

閨怨

徐昌薇

冷悽悽。小樓外。月明風細。玉尊酒滿。此際與誰同醉。紗窗閉。爐香燒罷。自孤睡。展轉不成眠。又怨道。涼生羅袂。黯然而無語。暗裏自彈雙淚。那堪他陰虫唧唧。鳴荒砌。提起。柳下相逢。花間密約。如塵似雨。歷歷舊情能記。正剪紙題詞。指燈作誓。綠羅窗曉。見釵梁墜。枕粉痕在臂。剗地分飛。忍便將伊。真箇拋棄。好倩秋鴻。再把香牋寄。

味階前老少年

陳世祥

小屏風。覺布被微涼。浙浙紙窗未起。早見晴光。窺隙却元來。西風一夜吹空碧。花事悅新秋。總淨葉柔枝。懼適切切吟虫。音響清而不激。有感慨之人。無語當階立。溪惜盈盈秋意。染絳勻黃。供人鑒賞。博箇少年相識。誰知道。已把壯時虛擲。如今老大。纔和秋海棠一般粧飾。只有霜深。那時楓葉。知他踪跡。多少閒愁。除酒難消得。

十二時

雲母燈

朱彝尊

是何人碧山深處輕入仙厨私竊把石粉雲英堆積剪
剪層層叠叠面面裝成稜稜做就細染紅箋貼正夜靜
改席西園紫鳳吐珠曾否銅槃吹滅閒更思梨花院
落定自十分清絕宿鳥窺來飛蛾拂去不道成冰雪漫
認他是燈分明一片冷月也只消拋殘小扇玉面當
前欲怯怎得攜歸江南樂事開向元宵節看翠睂幾許
屏風影中低說

峽江阻風用江湖載酒詞韻

丁焯

嘆年來兩簪霜髮深愧鷄冠虛竊看短袖貂茸塵積日
日煙波萬叠趁雁收帆聞雞縱櫂都把餘閒貼正歲晏
極浦風高病葉打牕愁對檣燈明滅休覓將冰箋免
管自寫虎頭癡絕故國鱸肥空山雀怨笑負梅如雪問
甚時賦歸斜川尙照古月便酒酣敲壺擊楫夢見江
湖仍怯浪急須回雲遲偏嬾那待懸車節怕倦游未許
浮踪老漁能說

觀獵寄高侍講

沈皞日

出重關雲低草暗吹遍軟塵千里看隊隊風生画戟金
縑環飛豹尾孔雀新翎銀貂小袖鷹臂團龍紫日已夕

炙脆烹鮮。鳳罽猩羅。玉几爐煙誰侍。有故人高三十
五。珥筆行宮丹陛。短箭輕弓。題香醉露。日近天顏喜。賦
長揚上林。銀光細寫多矣。恨飄零。彈鶯蹋柳。瘦馬茸
衫燕市。射石心寒。請纓路杳。閒殺英雄氣。算明年。只好
河陽攤書花底。

蘭陵王

旅恨

萬錦雯

月痕白。照見風塵悴色。權消遣。纔待捲簾。却怕霜花冷
侵額。低頭思故國。何事。年年在客。素屏掩。衾短夜長。浙
瀝寒聲透窗榻。歲華易拋擲。怎白草黃沙。老此踪跡。
倦途蹇馬。頻嘶。看映壁燈小。傳籌人歇。僮僕無心睡。
正適。問誰念岑寂。追憶。恨堆積。值買醉無錢。空羨壚
側。半宵歸夢。邀難得。漸兩三雞唱。又挨今夕。計程迢遞。
暗屈指。尙幾驛。

感舊

顧貞觀

片帆側斜。倚征衫雪色。凝眸倦。清鏡杳然。惟見湘娥美。
寒碧。霜林淚痕織。澹澹。西風粧飾。空濛外。多少遠山猶
是。當時恨。堆積。尋思共仙鷁。正乍展香襟。旋散瑤席。
珮珠淒冷。波心摘。有蜀紙。羞寄吳綾。慵寫冰絲鮫館。昨
夜溼。帶輕夢。吹入。岑寂。感疇昔。待步鞦塵微。拾翠重

覓一天銀浪頭俱白。愁比翼難穩。斷鴻無力。水雲同宿。待脩到幾生得。

秋日感懷

毛先舒

小樓角。風雨蕭疎太惡。南園柳吹過。幾條拖冷。愁煙着。橫幙應憐太瘦弱。留得腰圍似削。秋夢裏何處暗來。昨夜心情怕人覺。芙蓉對清酌。望魚射波。紅雁帶雲薄。口脂看黛空閒却。羞金釧鏤字。苔牋書語。燈畔攜手。宛似昨。是誰負前約。落魄信飄泊。鎮淹惜春衫。淒斷宵柝。彩雲猶在鞦韆索。惟竝語梁燕。虛聲簷鵲。玲瓏無數。怎這裏便痴着。

無題

洪昇

翠雲壓一帶遙峰暮合。冥冥雨細撲杏花。小院重門晝長闔。嬌鶯啼恰恰。幽夢驚回繡榻。東風裏忽地呼卿眼底。翻愁楚天狹。尋思舊歡狎。是酒污紅衫。花染銀甲。青絲學挽梳橫插。恠佯指雛燕。故調鸚鵡。月底牽留。祇半霎。鎮無語相答。蕭颯轉鳴吧。記征帆北去。梅破殘臘。情絲不住。心頭匝。枉淚溼羅幌。詩題檀篴。無端懊惱。閒把彈。打池鴨。

春夜病中聽雨

沈謙

晚風厲。十二簾櫳垂地。燈忽暗。不許結花。鎮日撩人有

何喜。小鬟熏素被。耿耿全無睡意。廉纖雨却。又打窗間道。三更過還未。尋思轉無味。怎偏我逢春愁病相繼。紅橋曲巷。迷征騎。曾持酒低勸。寫詞偷和。寶釵撥火人半醉。恁時節將睡。憔悴更腰細。問枕上鶯聲。何日相慰。枝頭春色。今餘幾。怕粉蕊湮透。檀心滴碎。問天何恨。也有恁許多淚。

送春和劉須溪韻

金張

送春去。春已行行半路。忙追唱三疊陽關。更盡一杯勸南浦。今年惡心緒。容易落花飄絮。竟忘了蝶怨蜂酣。及到春歸沒尋處。春歸不須苦。早綠野平丘。金谷誰主。惹愁翻恨歸何暮。剩歌扇明月。舞裙芳草。周郎曲誤。費屢顧。黯然桃葉渡。春去減愁否。但憶舊三歎。惜別同賦。弄春一綫絲絲雨。奈人面何處。桃花前度。似曾相識。兩燕子。不住語。

過晉邸

朱彝尊

馬蹄捷。遙望參差雉堞。斜陽外芳草斷垣。朱邸猶存舊城闕。平臺歌吹絕。禁得黃鸝調舌。粧樓畔煙柳數株。時見柔條路人折。閒尋老翁說。記帶指黃河。圭拆桐葉。霓旌千騎。春山列。任桂樹招隱。雁池斟酒。回眸琴瑟看盡滅。問誰是豪傑。明月。最悽切。聽短笛飄零。哀角鳴

咽葳蕤不閉窗紗裂。有藥鼎霜碓。画廊塵屨。不憚深鎖。免苑裏一片雪。

送宋員外牧仲視權贛州

曉寒撲。嘶騎河橋一簇。而今去嶺北。天南忍對離樽便。催促雙旌行太速。薄暝應投涿鹿。吟鞭倚苑雪。剛殘且喜輕塵未吹麴。登艫九江曲。算港截彭郎山。問匡俗。層層翠浪峰迴。複過十八灘。水萬疊。煙樹滿園。蘭草無數。竹。照廳事都綠。川陸舊游熟。奈上下龍雲無計。追逐故人。已分歸茅屋。念剪燭深夜後。期難卜。楓林落月。定憶我夢斷續。

味硯

曲阿張子煉庵持其祖前明死事南冢宰赤涵先生諱捷所遺米襄陽藏硯徵味因賦

湯思季

痛疇昔。輕把金甌浪擲。東南裏。雲漢頓傾。揀盡媧灰剩。殘壁。端溪餘舊蹟。須識臣貞匪石。凝眸處。紫氣青紋。寒噴萇弘血痕碧。追思更凄惻。嘆恨事宜和。憑向誰說。雀臺鴛瓦。增悲颯。知几帛題句。汗青留照。蘸筆猶堪哭。蒼頡。早壺玉同缺。手澤共珍惜。羨節義貽謀。慈孝承烈。流芳再振千秋業。看壯志磨盾。苦心穿鐵。遺徽如在。球與貝儼竝列。



